





**VIRGINII
CAESARINI
CARMINA.**

Digitized by the Internet Archive
in 2017 with funding from
Getty Research Institute



116753917

QUESTIONS

1. 116753917

QUESTIONS

QUESTIONS

QUESTIONS

QUESTIONS

QUESTIONS

QUESTIONS

QUESTIONS



Gregorio Tormasini del.

G. B. Bonacina Sculp.






ALEXANDRO VII.

PONT. O. M.

PHILIPPVS CÆSARINVS F.



OESIM esse rem fa-
cram, & magnorum
virorū, vel opus, vel
ornamentum, vetus
opinio est, Beatiss. P.

iam inde a primis ducta temporibus,
nostra verò tempestate mirificè con-

firmata, in qua sacrorum Principes,
religioni, bonisq; artibus tuendis, ac
propagandis maximè intentos, hanc
etiam ingenio suo, & fauore comple-
xos, propemodum consecrasse con-
spicimus. quo quidem suapte natu-
ra præclarissima, mirum quantum
acceserit splendoris, & dignitatis. In-
telligebat hæc cùm viueret Virginus
Patruus meus, dumque in litteris sū-
ma quæque meditaretur, insito animi
ardore, & magnis exemplis permo-
tus, non potuit quin ad hæc studia
ipse quoque raperetur, & carmina
interdum funderet acri doctorū iu-
dicio non improbata, nec fortasse in-
digna, quæ Tibi oblata, oculos, aures-
que morentur tuas; ferunt quippe ad
Romanæ, Etruscæque linguæ nito-
rem, & elegantiam, non sine transma-

rinis luminibus, delicijsque compo-
sita. Quòd nisi immatura mors hæc
illi tempora inuidisset, & recenti imi-
tatione meliora facere potuisset, &
argumenta nactus esset longè nobi-
lissima quæ tractaret, laudes nimirū
tuas, Princeps Optime, quibus cele-
brandis inter tot certātium ingenio-
rum conatus, si non omnes post se
relinqueret, postremas quidē certē
nō ferret. nam vt erat acerrimo vir-
tutis amore incensus, nemo quisquā
maioribus latitijs incederet, cū Dei
Opt. Max. admirabili prouidentia, &
bonitate in supremo humanæ am-
plitudinis fastigio Te regnantē vide-
ret, in quo Virtus ipsa tamquam in
propria sede regnaret, & in quo salu-
tem, & felicitatem Orbis terrarum,
Patriæque suæ, miseris his tempori-

bus

bus repositam intelligeret: quæ ut
ex dignitate gratularetur, ac prædi-
caret, quin vires omnes ingenij, ner-
uosq; cōtenderet, dubitari nō potest.
Neque verò minus benignitatē gra-
to animo in cælum efferret tuam; est
enim verisimillimū Te, qui virtutis,
& doctrinæ fautor es maximus, ho-
minem, in quo ista minimè desidera-
rentur, singulari quadam beneuolē-
tia fuisse profecuturū. Accedit quòd
illius domum, atque familiam iam
deuinxisti, & nouis in dies beneficijs
obstringis, ad quæ eius memoriam
voluntati tuæ, nō dico stimulos sub-
didisse, sed nonnullum attulisse mo-
mentū, haud immeritò existimetur.
Hæc dum reputo, B. P., amissi desi-
derio vehementer afficior, non tam
profectò ut eo præsentē amplius do-

mus nostra splendesceret, quàm vt
esset qui Tibi suo, & suorum nomine
immortales ageret gratias, simulque
laudem verissimæ gloriæ tuæ, dignè,
splendidèque concelebratæ, præ cæ-
teris reportaret. Sed qualem habere
possumus, hoc est, suis hisce spirantē
versibus, deuotum Numini, Maiesta-
tique tuæ, sacris pedibus aduolutus,
offero, & sisto. Tu verò pro tua incre-
dibili humanitate, non modò libenti
animo excipies, sed etiam, vbi publi-
cas res ordinaris, lenire quærēs labo-
res, eius Musa, & ingenio recreari nō
dedignaberis. quo ille honore nec
maiores viuis optare, nec potiorē
ad præclaram sui commendationē,
& gloriam, consequi potuisset.

LECTOR



VIRGINIVM *Cæsarinum* omnis liberalis scientiæ *Virum*, & magno, excelsoque præditum ingenio fuisse, constans quidem hucusque fama fuit, sed tantum per manus tradita, nullis testata monumentis. Hæc ne omnino deessent, iuris publici fecimus carminum aliquot, quæ ipse, cum remitteret animum à seuerioribus studiis, faciebat. Libuit hoc loco usurpare veterum Artificum formulam; quia *Virginus* octauo inualitudinis suæ, vnde detricesimo ætatis anno sublati, imponere carminibus suis minimè potuit extremam manum. Cæterum ea laudare super sedemus, ut totam hanc partem illorum iudicio integram relinquamus, quibus necessitudo est cum *Romanæ*, *Etruscæque* *Poeseos* Principibus, & Magistris. Igitur, Lector candide, Poetæ candidissimi versus lege, & ex his coniecturâ facito de cæteris, qui eius ingenij fœtus extarent, nisi mors non tam ipsi *Virginio*, quàm bonis literis peracerba, maturioris ætatis fructus intercepisset. Vale.

Imprimatur.

Fr. Raymundus Capisuccus S. Pal. Apost. Mag. Ordinis
Prædicatorum.

VIR.



VIRGINIVS CAESARINVS

Joan. Batta. Bonacina Mediolanen. delin. et Scul.
Roma



VIRGINII CAESARINI

V I T A.



VAE de Virginij Caesarini ingenio, moribus, studijs, disciplina, fortuna, totoque vitæ cursu, non ab rumore vulgi, neque à Rhetorum laudationibus accepimus, sed à viris grauib, & ab omni affectu liberis, qui adhuc supersunt, quique Virginium vsu quotidiano cognitum habuerunt; ea nos, sicuti narrata, acceptaque sunt, simpliciter, pro nostra, & argumenti na-

tura, fideliterque trademus.

Natus est Romæ die xx. Octobris anno MDLXXXV. patre Iuliano Ciuitatis Nouæ Duce, matre Liuia Virginij Vrsini filia. Vtriusque autè parentis genus, generisque dignitas & potentia clariora sunt, quàm vt Scriptoris operam, lucemque desiderent. Fratres habuit; maiores quidem natu Ioannem Georgium, qui Patri in Ducatu successit, & Alexandrum, qui postea Cardinalis creatus est ab Urbano Octauo; minores autè Ferrantem vtriusque Signaturæ Referendarium, ac Petrum militem Hierosolymitanum. Propinquitatibus verò multis, magnisque floruit, à matre præsertim. Nam præter Vrsinam gentem, Beatrix, Cornelia,

nelia, & Catharina Liuiæ sorores nuptui traditæ, cùm suis, tùm suorum filiorum coniugijs Sfortias, Columnas, Corneos, Pallauiciños, Maluetios, Altempfios, Cæsios, Borromæos, Madru-
tios, aliasque subinde veteres familias & locupletes compre-
henderant. In Virginio igitur eximia ab ineûte ætate indoles,
& ad studia literarum singularis alacritas apparuit: adeout Bo-
nifacius Cardinalis Caietanus, acri vir, vt omnes sciunt, perspi-
cacique iudicio, septennem adhuc puerum cū tractaret, ad om-
nia summa natum diceret, & incredibiles progressus in literis, si
institutio accederet, augurari soleret. Celebre est, ac penè in
consuetudinem prouerbij venit, nihil Romanis pueris festiuus,
nihil elegantius fieri posse: promptos, sagaces, dicaculos, in-
geniosos, ad omnia disciplinarum genera mirè factos videri: vbi
adoleuerint, concidere sæpe vim illam omnem, ardoremque ani-
morum, & quasi Circeò aliquo poculo repente mutatos, alios
planè sensus, aliam sibi mentem induere. Verène id, appositè-
que dicatur; an à Transalpinis hominibus, vetere erga Roma-
nos odio, falsò iactetur, nihil laboro. In Virginio certè aliter
se res habuit, vt postea intelligemus. Nouem fermè natus annos
Parmam mittitur cū Alexandro fratre, quò procul à paternis de-
licijs, adeoque ab ijs occasionebus, quæ mentes adhuc teneras, &
ad magna surgentes plerumque enecant, intentiorem ad studia
animum adijceret. Antelata autem cæteris vrbibus Parma, cū
ob celebritatē illius Academiæ excellentibus in omni disciplina
magistris, Ranutij Ducis opera, florentissimæ; tùm ob Aniam
Farnesiam, quo etiam nomine Ranutius venientem Virginium
libenter domum suam recepit, & pro ea, quæ intercedebat, con-
iunctione, benignè liberaliterque habuit, quoad ea in vrbe est
commoratus. Mansit autem ibi quinque plus minus annos, in-
tra quod spatium, non solum ea omnia arripuit, quibus ad hu-
manitatem informari solent ingenui adolescentes; verùm etiam
rotius Philosophiæ cursum confecit, præceptore Auanzino, qui
Iacobi Zabarellæ in Gymnasio Patauino discipulus, Peripateti-
cæ disciplinæ ludum in Parmensi aperuerat: tanta quidem cū
laude, vt condiscipulos, & percipiendi celeritate, & disputandi
solertia longo interuallo omnes anteiret. Nec institutum in-
terea iter retardauit infortunium, quod illi accidit. Nam dum
inter æquales in equestri ludo se exercet (quod vnicum habebat
à stu-

à studijs laxamentum) refractarius equus, cui erat impositus, iu-
ueniliter exultantem, & superbè nimis imperitantem excussit,
adeoque grauius solo illisit, vt pluribus locis crure fracto,
præ dolore sensibus pene omnibus destitutus, vltimum vitæ di-
fici inuenit adiuuerit. Quem casum maior etiam paulò post calami-
tas excepit, Chirurgi imperitia. Cum enim post duos menses,
quàm decubuerat, experiri vellet, an rectè adhuc consistere pe-
dibus posset; adeò perperam, ac distortè conglutinata tibia ap-
paruit, vt eam denuò perfringere necesse fuerit, & in eum statum
reuocare, quo ante curationem fuerat, quò rectius cōualesceret,
acceso ab Isthmo vsque lacu, in Veneta regione, probatæ artis
Chirurgo. Horret animus eos cruciatus cogitare, qui denuò
tolerandi Virginio fuerè, qui tamen illos eo animi robore tul-
lit, eaque constantia, quam in viro confirmatæ iam ætatis, & sa-
pientiæ non requiras. Igitur, vt eramus aggressi dicere, tantum
abfuit, vt propterea studiorum suorum cursum intermitteret; vt
per totum illud tempus, quo in lectulo confixus iacuit, iacuit
autem integrum propè annum, nihil ageret aliud, quàm vt cum
viris doctis sermonem de literis institueret, præcipuè verò cum
Patribus Soc. Iesu, qui ei frequentes, & ad omne prompti offi-
cium assidebant, quorum quidem viuendi ratio, & institutum
adeo Virginio arriserant, vt non semel de illorum amplectenda
militia cōgitarit: eamque animi illius propensionem perpe-
tuam, atque constantem postea aperuit vltima ipsius voluntas,
qua Ignatiano habitu efferri se velle cauit in testamento. Ea
curatione cum post mensem vndecimum exitus tandem prosperos
habuisset, eosque iam progressus fecisset in literis, quos operæ
pretium esset in aspectum, lucemque proferre; Romam, ineunte
adolescencia, Virginus reuertit, vbi magnum sane virtuti suæ
theatrum inuenit paratum: Nam ingens hominum animos cupi-
do incesserat videndi cominus, & periclitandi ingenij, de quo
tam multa, tam præclara omnium sermone afferebantur: erant-
que non pauci, qui suspicarentur; in adolescentulo primariæ
nobilitatis, & morum formæque elegantia commendatissimo,
efferri plus æquo omnia: ita verò solere fieri, vt qui alijs in vr-
bibus maximo in pretio essent, & laudè ingenij cæteros mortales
anteirent, Romæ ita decrescerent, vt vix aliquo in numero
haberentur. Virginus tamen aduentu suo ita confirmavit ru-

mores, qui de ipsius virtute, atque ingenio percrebuerant, ut nihil iam in Vrbe esset eius nomine clarius, essentque in eum, tanquam in aliquem ex veterum annalium memoria, conuersi animi, & studia Ciuitatis. Siue enim priuatis eruditorum colloquijs de re literaria sermo esset; siue in scholasticorum, quos vocant, arenam descenderetur; magna vbique eius doctrina, magnum acumen, & fertilitas ingenij eminebat. Hæc autem efficiebat etiam gratiora præter generis claritudinem suauitas oris, formæque dignitas. Quibus accedebat actio efficax, & sonus vocis elegans, & ad aurium voluptatem accommodatus: ingenuus præterea quidam pudor, & candor animi, parum cum humanitate erga omnes, & facilitate naturæ. Nam ad id quidem quod pertinet, extat inter eius scripta Satira elegans, qua acriter carpit, vel potius irridet nobilium quorundam inscitiam, qui existimationem dignitatemque nominis, quam solidis ornamentis, ac vera virtute non possunt, ostentatione generis ac potentiæ, & insolentis animi fastu consequi volunt. Nec parum momenti habebat ad plausum laudemque Virginio conciliandam, senilis quædam in primo ætatis flore maturitas, non illa quidem austera, ac tristis (nam hilariora nonnunquam conuiuia, & congressus amabat, eratque in iaciendo, mittendoque ridiculo perurbanus) sed quæ adolescentem deceret literis impensè deditum, & ab insita animi generositate non fluxa, & præsentia, sed ad memoriam illustria, & æterna respicientem. Ferunt, cum ab æqualibus ad insigne spectaculum inuitaretur, quod totius Urbis concursu celebrabatur; se vero id facturum negasse, nec eo se crimine velle adstringere, ut quo temporis spatio posset Olympicis, Nemæis, Circensibus ludis, & si liberet, etiam Floralibus, sine vlllo incommodo aut strepitu domi suæ interesse, mallet imperitorum artificum nugis, quantumuis sumptuosius, inter tumultus & vulgi angustias, oculos atque animum prostituere. Maximos præterea clamores excitabat memoria, qua ita Virginius pollebat, ut integras sæpe Scriptorum paginas, pro re nata, recitaret, & ubi interesset publicis disputationibus (intererat autem ferè quotidie, certatim inuitantibus ijs, quorum ea solemnitas erat, quod tanti Viri præsentia illustrior fieret) essetque vel eleuandum aduersarij dictum, vel suum confirmandum, sexcenta Aristotelis loca proferret ex tempore, iisdem pene

ne verbis quibus reddita fuerant ab interprete: nam Græca adducere, nec moris est apud nostros homines, & ipse (institutum enim tenebo, nec alios patiar falsas Virginio laudes appingere) non nisi leuiter attigerat Græcas literas. Itaque cum acerrimo ingenio parem memoriam, quod perrarò accidit, sortitus esset, & tempus omne, quod reliquum esset ab officijs ad tuendam vitam necessarijs, tereret in commentationibus, & tractatione librorum; breui omnis reconditæ, exquisitæque doctrinæ scientiam ita comprehendit, vt admirationi esset vniuersis, nec iam se intra Italiam contineret illius gloria, sed mare & Alpes præteruecta longè se ad vltimas terras, latèque diffunderet. Cardinalis quidem Bellarminus, quem Virum parum consideratè quicquam, aut ad assentationem dixisse, vel fecisse vnquam, nefas esset suspicari, solitus erat dicere, videri sibi Virginium alterum Picum Mirandulanum, eum qui ob excellentiam ingenij, & doctrinæ, phœnix est nuncupatus. Quod sanè dictum, & probabatur in vulgus, & vtriusque genus, mores, formam, ingenium, studia, exitum ipsum vitæ ex æquo comparati haud multum absolum à vero reperietur. In cuius rei fidem subijcimus numisma ex vna quidem parte duobus phœnicibus insculptum; ex altera verò totidem imaginibus affabrè ductis, & extantibus, quarum prior Ioannem Picum, Virginium Cæsarinum altera referebat.



Idem Cardinalis Virginio author fuit, vt tantam rerum optima-

marum scientiam, ingenijque præstantiam, quæ sibi diuinitus contigisset, ad ipsius Dei gloriam, & generis humani fructum conferret, scribendo librum, in quo vberioribus argumentis, quàm cæteri fecissent, magisque ad sensum permanantibus, omnem dubitationum tolleretur de immortalitate animorum, ad reuincendam illorum pertinaciam, qui sacrarum literarum testimonio hac in re minimè acquiescerent. Et sanè multa in id argumentum Virginius iam collegerat, colligebatque in dies, quò omnia suo tempore rectè & ordine digesta luculento volumine complecteretur; nisi præmatura postea mors egregium opus, quemadmodum alia multa quæ moliebatur animo, intercepisset. Inter hæc non neglexit Iuris quoque sciētia, cuius consultus fuerat Parmæ solemniter appellatus, operam dare, coactò etiam stylo, quo cæteroqui castigato utebatur, accommodare se formulis corruptæ Iurisprudentiæ. Verumtamen longè maior illum voluptas ad mitia Musarum studia, & flagrantior cupido rapiebat, hominem præsertim non tam honorum & potentiæ, quibus vulgares animæ vsque ad insaniam capiuntur, quàm laudis & gloriæ, qua magnæ mentes & erectæ imprimis ducuntur, appetentissimum. Quamobrem, valere tandem iussis Leguleiorum, forique clamoribus, iterum se liberalioribus literis totum tradidit, Theologicis præsertim, ac Philosophicis: quarum primas cum sacræ historiæ, Canonum, Conciliorum, ac Patrum cognitione coniunxerat; in vltimis verò, Doctore & Magistro Auanzino, de quo suprà memorauimus, ita vsque ad illud quidem tempus Peripateticorum sectæ adhæserat, vt ab eorum placitis vel latum vnguem discedere religio illi esset. Verùm vbi versari familiarius cœpit cum Federico Principe Cæsio, eiusque auctoritate & consilio in amicitiam se dedit Galilæo, Ioāni Ciampolo, alijsque eius disciplinæ hominibus, qui è cœlo se deuocasse gloriabantur veram ac germanam philosophiam, hoc est aliam planè ab ea, quam Aristotiles tradidisset; primò quidem oblucri acriter eorum dictis, deinde vbi quotidianus sermo argumenti insolentiam cicurauit, haud grauatè aures, postremò etiam manus dedit. Itaque veteris militiæ desertor & transfuga, vt sunt Iuuenum ingenia cupida rerum nouarum, transitum fecit ad castra Lynceorum (id nomen Academiae fuit) quorum erat institutum inuestigare rerum euenta, quæ terris, quæ cœlo accide-

ciderent, in disputationem vocare; causas sedulò indagare, & eorum obseruationibus, alijsque experimentis, veterem omnem philosophiam, Aristotelicam imprimis euertere. Ex eo numero qui esset, quasi familiæ suæ tesseram ambitioni vocabuli conuenientem, gestabat digito annulum, lynce insculptum, quo significabatur, esse eos in rimandis naturæ arcanis perspicacissimos. Hæc porrò Academia authorem habuit eum, quem diximus, Federicum Principem Cæsium, literarum amatorem potius, quàm peritum, mansitque tamdiù, quamdiù vixit author suus, qui illam quasi satam a se arborem omni officio, industriaque colebat. Verùm eo mortuo, cum Academici nullas haberent certas sedes, nec cæterarum Academicarum morem sequerentur, statis diebus in vnum conueniendi, sed vnico nominis splendore, & annuli mysterio omnis eorum disciplina còtineretur; breui Lynceorum memoria ita extincta est, vt eorum ad ætatem hanc nostram vix tenuis aura peruenerit. Præter Galilæum, & Ciampolum, coluit quoque Cynthium Clementem eidem sectæ additum, & insignem ea tempestate Medicum. Ab eo Virginius Chemicis sacris initiatus versari cœpit attentius in eius artis experimentis, quibus præcipue Aristotelis fundamenta conuelli putabant. Eaque ipsa experimenta conuertit postmodum à destruendis Peripateticorum placitis, ad fulciendam valetudinem suâ, quæ iam & assiduo labore in studijs, & habitu corporis gracili, propensoque ad maciem in deterius quotidie prolabebatur. Verùm hic quoque conatus, sicut alia multa quæ periclitatus fuerat medicamenta, irritus fuit, in dies magis magisque superante vi morbi. Cuius rei cum omnem culpam, vitio generis humani, conferret in inscitiam Medicorum, inuehi vehementer ea occasione solitum ferunt in insaniam temporum nostrorū, quibus Ars illa, cui valetudinem nostram vitamque credimus, tanquam humilis & plebeia, digna iudicaretur, in qua illi ferme elaborarent, qui nullas vererentur violare maiorum imagines, quique tenuitate plerumque rei domesticæ prohiberentur operam dare studijs ac disciplinis ad eam probè tractandam necessarijs; instrumenta fundi, pascua, nomina, supellex, a viris honestissimis, patricijsque vendicarentur. Igitur cum alterius cœli præsidium, reliquis omnibus frustra consumptis, experiri constituisset, Bononiam iter intendit, non quòd situm illius vr-

bis

bis maximè opportunum duceret valetudini suæ, placidum alio-
qui temperatumque cœlum desideranti; sed quod in Bononiensi
Gymnasio mereri stipendia dicerentur Medici præstantissimi,
nec deessent literati viri, sine quibus, vt cætera adessent omnia,
videbatur sibi Virginius in solitudine, luctuquè viuere. Sed in-
terceptus in itinere ab amantissimo sui Principi Cæsio, Aquas-
partam Cæsiae gentis oppidum propè Spoletum diuertit, mansit-
que ibi aliquot dies magna, quantum quidem per inualetudinem
licuit, cum voluptate. Quippe Federicus, quò libentiorẽ
illic Virginium retineret, Bononia accerserat, præ ceteris, Clau-
dium Achillinum, Philosophum ac Poetam, opinione quidem
omnis Cisalpinæ Galliæ, maximum, & Petrum Poterium rei
Chimicæ egregium artificem, quibuscum alternas horas hilarè,
ac iucundè transigebat. Ac breui tantum de veteri sua sæui-
tia morbus remiserat, vt vox etiam, quam pituitæ, vel alterius
cuiusuis humoris defluuiò ulceratæ fauces iam olim intercluse-
rant, ad officium rediret, vt Elegia quadam ad Cynthium Cle-
mentem inscripta sibi ipsi effusè gratulatur. Nam cæteris eius
virtutibus non leui ornamento erat mira indoles, & dexteritas
ad Poesim, præcipuè latinam, in qua Tibullum, Propertiumque
cruditorum iudicio feliciter expressit elegiaco carmine. Ita-
licis etiam numeris se exercuit, adductus consuetudine Ioannis
Ciampoli, qui eo præcipuè ornamento aditum sibi ad laudem,
& ad potentiorum limina patefecerat. Sed quamuis Virginius
profiteretur, maximè omnium probari sibi Ciampoli venam, &
characterẽ; longè tamen diuersa via yterque illorũ ibat ad car-
men. Virginius æquabile, & temperatum sequebatur scriben-
di genus, perspicuum, graue, simplex, quod seriò rem ageret, &
in quo Latij veteris incessum faciliè agnosceres; in Ciampolo
liber spiritus, noua omnia, concitata, grandia, inaudita, plena
periculi, & audaciæ ad Pindarum aspirantis, quæ propterea om-
nem ad se raperent admirationem theatri. Quam scribendi ra-
tionem perperam imitati postea, qui se Pindaricos dici volunt,
in tam absurdos errores inciderunt, vt ex plurimis, quæ aliquot
ab hinc lustris irrepserunt in Rempublicam literariam hæreses,
nulla, vt viri quidẽ sapientes iudicant, foedius Italicæ Iuuentu-
tis ingenia corruperit. In his, quæ scripsit materna lingua, multa
reperiuntur etiam amatoria, satis pro argumento veracunda.

& sobria, quæ tamen Author postea improbavit, tanquam imbecilla adhuc ætate scripta: & superat eorum numerus, quæ hominem philosophum, & à vulgi erroribus alienum magis deceant, quæque Christiano Poeta digniora videri possint. Quæ etiam in re secutus est Ciampoli auctoritatem suadentis, honestissimam secum provinciam susciperet, ad meliorem frugem, moresque reuocandi Etruscas Musas, quæ, nonnullorum vitio, nihil iam sancti, aut casti haberent, sed cuiusvis è vulgo libidini prostitutæ in obscœnis tantum, & procacibus argumentis occuparentur. Virginius itaque à iuuenili licentia ad grauiora stylo conuerso, moralis Philosophiæ præcepta, quod nemo adhuc ante ipsum ex proposito fecerat, aggressus est carminibus tradere, vt etiam profitetur Ode illa, quæ Proemium inscribitur. Et quia ad informandos optimis moribus animos, duplici præcipue via, ac ratione niti oportet; ad honesta videlicet incitando illos, & reuocando à turpibus; vtramque Virginius complexus est: illam quidem pluribus Odis (cantiones nostri vocant) ad varios amicos inscriptis; hanc verò nonnullis Satiris Luciliano aceto perfusis, in quibus ætatis suæ vitia perstrinxit acriter; quandoque etiam personis potentia, vel dignitate illustribus, qua erat animi libertate, ac spiritu, in os inuolare non dubitauit; sed animi tantum gratia, & experiundi eo in argumento ingenij, non quòd vlli mortalium inuri notam suis carminibus vellet. Cæterum quòd fidiorem literis suis operam daret, in superiorem paternæ domus contignationem secesserat; nec eò quemquam fere admittebat, præter illos, qui pari erga Musas animo essent, paribus studijs ducerentur. Hos enim ad se venientes omnibus humanitatis officijs excipiebat: cum his differere, lectitare, conuiuari, deambulare, dies integros commorari: cum eisdem cõmunicare lucubrationes suas impensè prius rogatis, diligenter animaduernerent, & si quæ minus probarent, atroci stylo effoderent. Quorum quidem nonnullos aliena ope, & præsidio indigentes aluisset etiam domi suæ, vt solebat sæpe desiderare, si per tenuitatem rei domesticæ licuisset. Verùm cum bonorum paternorum summa vnà cum Ducatu Ciuitatis Nouæ in Picenis, alijsque in agro Latino oppidis, ad grandiolem natu fratrem, more apud nobiles familias recepto, peruenisset; ipse tertio loco genitus eam pecuniam annuatim percipiebat, quæ

cum per se ipsa satis exigua erat, tum verò parum attentè administrata, ut ij faciunt, quibus seriò occupatis in studijs literarum, ingrata omnino, atque odiosa accidere solet rei familiaris procuratio, ægrè in annuos sumptus suppeditabat. Quò fiebat, ut graui se nonnumquam ære alieno obligaret, quod postea Dux ipse ad arcendam notam, quæ in se etiam redundasset, molesto quidem animo, sed exsoluebat tamen. His angustijs ut obuiam aliquando iret, litem cum eodem Duce instituerat, qua petebat, ut liberalior sibi in singulos annos pensio decerneretur, prout vltimis illis temporibus maior facta fuisset accessio ad patrimonium Cæsarinæ familiæ, ad cuius facultatem respexissent Maiores sui, cum secundo loco genitis annuos præscriberent redditus. Sed Mapheus Cardinalis Barberinus, quem ingenij, ac studiorum similitudo Virginio, quamuis longè natu minori, familiarissime coniunxerat, ei persuasit, ut omni cōtentione sublata, quietè cum fratre, & concorditer viueret; quòd ita deceret præclarū virum, eaque esset certior ratio extorquendi ab illo pecuniam. Eo interim in ocio, & quasi malacia literarum, non licuit Virginio diutius viuere, ipsum inter Cubicularios intimos cooptante Gregorio XV. opera Ioannis Ciampoli, qui Pontificio nomine exarabat epistolas ad Principes. Is vbi ad illum honoris gradum est admotus, nihil habuit antiquius, quàm ut significationem aliquam Virginio daret grati animi, & beneficiorum memoris, quæ plurima ab eo, insigniaque acceperat. Erat Gregorio à secretis, in ijs, quæ ad statum, curamque Reipublicæ pertinent, adeoque non mediocri autoritate, & gratia in Aula florebat, Ioannes Baptista Agucchius Bononiensis, vir cum cætera clarus, tum verò scribendi Italicè, & rerum per literas gerendarum laude clarissimus. Eius commendatione Ciampolus sicut ipse in eum locum peruenerat, ita facilè est consecutus, ut Virginus ad eum, quem diximus, honoris gradum ascenderet. Sunt qui credant, Virginium, vbi primùm in Palatium pedem intulit, veteris instituti oblitum cogitare cœpisse de anteuertenda purpura Alexandro fratri, cui quamuis tenuioris ingenij homini, tamen uti & natu grandiori, & aliquot iam annos constituto in publico munere, deberi potius is honos videbatur: tantùmque breui vel sua industria, vel amicorum ope profecisse, ut cum Gregorius lentè quidem, sed graui, conclamatoque morbo implicaretur, ad illu-

lustran-

Iustrandam præclaro aliquo facinore memoriam extremi tem-
 poris, de Virginio Cardinali creando in primo conuentu Sena-
 tus, vnà cum duobus alijs viris ornatissimis, Agucchio ipso, &
 Angelo Cælio, consilia inirentur; quæ tamen Pontificis mors
 citius, quàm credebatur, consecuta discusserit. Alij verò postre-
 mæ quidem parti assentiuntur; quòd verò pertinet ad præripien-
 dum fratri honorem, commentos fabulam putant aulicos ho-
 mines, Virginium non ex ipsius virtute, ac altitudine animi me-
 rientes, sed ex moribus, & natura imperitæ multitudinis, quæ
 adduci numquam potest, vt minime credat, insanire eos homi-
 nes, qui nihil ducunt præclarior vita rectè, sapienterque tradu-
 cta. Adduntque, Virginium non repugnantem potius, quàm vo-
 lentem pertractum fuisse in Aulam Põtificiam, clamante subia-
 de Ciampolo, indignum esse viro magnanimo, præsertim philo-
 sopho, cum scias humanam societatem mutuis officiis contineri,
 nullam velle Reipublicæ partem attingere; cumque literarum
 adeò sis amans, occasiones auersari illas, quibus literæ polium-
 tur: non prætermittendam opportunitatem iuuandi amicos, &
 industrios homines, nec ea munera recusanda, quæ nisi à probis
 viris, sapientibusque occupentur, improbis, & iniustis, magna
 cum Dei offensione, rei que publicæ incommodo, sint commit-
 tenda. Mortuo Gregorio, & in eius locum Urbano Octauo Pon-
 tifice renunciato, statim eius Cubiculo Virginus præficitur: id-
 que tribuisse Vrbano opinio fuit non tàm veteri beneuolen-
 tiæ, qua eius indolem ab ineunte adolescentia complexus fue-
 rat, quàm recentibus eiusdem erga se meritis. Cum enim Ma-
 pheo Cardinali Barberino dudum subirati Hispani essent, suæ-
 que erga illum voluntatis non obscuras dedissent significatio-
 nes; ægre illi, vt existimare quiuisset, facile potest, ad Summũ Pon-
 tificatum aditus patuisset, nisi Virginus à Francisco de Castro
 Regis Hispaniarum ad Pontificem Oratore, & Didaco Saiue-
 dra, qui consiliorum omnium Francisco particeps erat, sapius
 vrgendo impetrauisset, æquiore in tantũ Virum animo esse vel-
 lent, & authores fieri, vt is cum Rege Catholico in gratiam re-
 diret. Iam olim enim Virginus, manucentibus literis, & re
 Poetica, insinuauerat se in vtriusque illorum familiaritatem,
 quemadmodum etiam Mapheo egregiè cõciliauera Gasparem
 Cardinalem Borgiam Hispanicæ factionis moderatorem, ac Du-

cem, qui quainquam durior ad hæc studia videbatur, facile tamen suauitate morum Iuuenis nobilissimi, & miræ in tractandis, conciliandisque animis dexteritatis, ita captus est, nihil ut esset, quod non eius causa faceret libentissime. Certè si in Pontificibus creandis quicquam humanæ opi tribuere fas est, ac non potius sola tam arduo in opere, & sacrosãcto Voluntas Diuina dominatur; egregiè meritis de Urbano Octauo Virginius eo factò videri potuit. Ad eum tamen fortunæ gradum tantam animi æquitatem, & modestiam attulit, ut eorum qui apud Urbanum aliquo loco essent, nemini minus licere videretur: tantumque abfuit, ut eos imitaretur, qui ad potentiam, opesque ex insperato euecti efferuntur fastidio quodam, & contumacia; nullum ut suauiore ex eo loco fructum percipere se fateretur, quàm subleuandi veteres amicos, eos præcipuè, qui destituti re familiaris ingenio, & literis abundarent. Itaque breui illo tempore, quo in eâ dignitate vixit, eorum quamplures, prout cuiusque conditio ferebat, aut in familijs virorum Principum, aut honesto aliquo in munere collocauit. Aliquos etiam apud se retinuit: in his Augustinum Mascardum, quem Parmæ cognitum, hospitibus, & contubernalis loco habebat; & Franciscum Balduccium, cuius opera utebatur in scribendis epistolis, virum ad Poësim omnino factum, si acrioris limæ labor, & vberior cognitio artium optimarum ad eius ingenium accessisset. Alios verò, qui cum nihil domi pingue haberent, præter ingenium; inani tamen scientiæ opinione inflati, sæculum incusabant, ut ferè fit, quod iacere literas pateretur, molliter atque vrbane admonitos erroris, in quo erant, hortari solebat, relictis studijs literarum, aliam omnino artem magis accommodatam humeris suis, aliud vitæ genus aggrederentur. Eaque Virginij libertas meliora suadentis, multis, qui nullam in tantum Viri dictis subesse fraudem poterant suspicari, salutis fuit. Tam illustri loco positum Virginium, cum publica expectatio, tum vero Urbanus ipse purpuræ destinabant. Verum quod illi aliena mors paulo ante abstulerat, sua tunc abstulit. Nā intra vertentem annum, ex quo Pontificio Cubiculo præerat, extrema iam macie confectus, fato, quod iamdiu forti, erectoque animo opperiebatur, tandem concessit, Kalen. Aprilis, Anno MDCXXIV. Constans autem opinio fuit, mortem illi maturauisse Præfecturam Cubiculi, cui ut frequens adesset, adeoque palam

palam Pontifici faceret, se integras ad purpuram vires allaturū,
 affecto corpori, & quietis indigenti minime parceret. Virginij
 quidem mortem adeo grauitertulisse fertur Vrbani, vt per ali-
 quot dies, vbi de illo mentio incideret, lacrimas non haberet in
 potestate: & cum Alexandrum Virginij fratrem Cardinalem
 creauit, professus sit, se potius Virginij memoriæ, quàm Alexan-
 dri, promeritis illum honorē tribuere. Quàm carus autem Ciui-
 tati fuerit, mœrore funeris indicatū est. Senatus enim, Populique
 Romani decreto, non solū in Palatio Capitolino statua illi po-
 sita est doloris publici testis, cū inscriptione Ioannis Ciampoli;

VIRGINIO CAESARINO

QVIRITIVM SAPIENTISSIMO

Cui tanta ingenij vis, vt doctus etiam haberi posset sine literis;

Tam ampla literarum supellex,

Vt admirationem mouere posset etiam sine ingenio:

*Quem tanquam Vrbis miraculum, & Nobilitatis ornamentum
 Tum indigenæ, tum conueniæ Philosophi, Poeta, & Rhetores inuisebāt,*

Sua quisque decora in humanissimo Mœcenate mirantes:

Cuius iuuentuti pertinax doctrinarum studium senilis prudentia

Gloriam comparauit, iuuenilis valetudinis robur eripuit;

Qui factus adolescentibus exemplar virtutum, & parentibus

Mensura votorum, nondum trigesimum annum ingressus

Mortem occubuit in Vaticano,

Sapientium lusurbationibus, & Principum lacrimis illustrem:

Cui Pontificij Cubiculi Praefectum agenti

VRBANVS VIII.

Ecclesiasticae purpuræ decus à præpopera morte

Ereptum fuisse conquestus est:

Eidem publicis exequijs cobonestato

S. P. Q. R.

Annunte Pontifice

Inter triumphales Duces imaginem

Et monumentum decreuit,


Ne minus literarum gloria, quàm armorum

Capitolium decoretur.

fed etiam apparatissimo funere elatum ad D. Mariæ de Aracœ-
 li, Alexander Gothifredus S. I. Patritius Romanus pro con-
 cione

cione laudavit. Humoristarum item Academia Virginio (qui honos, ex instituto illius loci, viris tantummodo fama, ingenioque maximis haberi solet) iusta persoluit, Augustino Mascardo clari iam tum nominis Oratore verba faciente. Cuius Oratio excepta de more est à Poetarum carminibus, quorum magna pars ereptum sibi Mæcenatem suum certatim dolebant, veroque luctu, non ad ostentationem ingenij simulato, funus prosequabantur.





EPINICION

In Victoriā Bohemicā
Sereniss. D. Maximiliani
Boiorum Ducis.



RISTITIAM, trepidos-
que metus, curasq; proteruis
Tradam Carpathiū per ma-
re ferre Notis.

*Omnia leta cano: pleno nunc
ore sonandum:*

Aurea quid cessas mi dare plectra puer?

A

Non

Non referam molles luctus, priuata filebo
 Damna, queri nobis publica causa vetat.
 Surge anime, & desueta diu fer gaudia mente;
 Surge anime; atque aliam disce mouere chelyn.
 Sacra canit vinctus Peneide fronde capillos
 Vates: quisquis ades, dic bona verba sacris.
 Vrantur Syriæ merces, Nabathæaque ihura:
 Puniceas oleant lucida templa rosas.
 Vltæ profanatas adsitis numina sedes,
 Impleat & vester nunc mea lina fauor.
 Sunt aliquid Superi: Romanis regnat in aris
 Relligio, veteres quam coluistis aui.
 Non desunt lentas vlticia fulmina in iras,
 Iudicat & tandem crimina poena sequax.
 Foeda Palatinum regnis dare terga Bohemis
 Vidimus, & nostra parta trophæa manu.
 Fracta cruentatum voluuntur sceptræ per Albim:
 Funereo Hercinius sanguine tabet ager.
 Vincula Praga manu gestat, qua tela gerebat,
 Et male decussos accipit ore lupos.
 Quis superum, Musæ, nostros ad bella maniplos,
 Dicite, quæ iuuat Cæsaris arma manus?
 Vtraque finitimis legio confederat aruis,
 Cernebantque auidi mutua castra duces.
Hinc

*Hinc Rhenanus agit Slaunos, Morauosque rebelles,
 Et ferus in pugnam Slesia signa rapit.
 Foeda Superstitio, sacris infensa Latinis,
 Tincta Acherontæo spicula felle tenet;
 Et Vaticano ante alios incendia templo
 Caluinus minitans impia tela rotat.
 Hinc armis nitet Augusto deuota iuuentus,
 Ardet & aerata cuspide Boia cohors.
 Vna ingens Hispana phalanx certamina poscit,
 Iustaque Parthenopes miles in arma ruit.
 Arduus & campo se se Buchoius infert,
 Magnanimosque docet spernere fata viros.
 Aptant se pugnae Tyrrheni principis alæ;
 Hostem iamque prior, quàm manus, ira ferit.
 Sic steterant acies, nec dum dare carmine belli
 Clarisonæ audebant signa cruenta tubæ.
 Aëre se mittens rutilus cùm nubibus actus
 Liquit Adalbertus cærulea templa poli.
 Et Bauarum stetit ante Ducem: tùm stella nitenti
 Per nubes secuit, crine refixa, viam.
 Non ille attulerat chlamydem, tunicasque crepantes
 Textilibus ventis, carbaseosque sinus:
 Non pastorali firmans vestigia virga;
 Aut venit mitra tempora vineta gerens.*

A

2

Qua

*Qualem Diuorum cumulantem altaria donis
 Iam vidit melior Praga operata Deo.
 Norica sed forti crispans hastilia dextra,
 Totus & ardenti clausus ab ære nitet.
 Aureus umbo iras, furias, clademque vomebat:
 Nutabat cristæ versicolore caput.
 Mox ait: ò fidei Princeps defensor auitæ,
 Maximiliane, tuis gloria maior auis;
 Perge, agestæpus adest, via nunc rûpenda per agmē:
 Disijce, me, trepidos, omina dante, duces.
 Sat regnare datum sceleri, iam fraudis abundè est:
 Nunc admissa truci crimina morte luant.
 Tu Cœli vindex, tibi victima corrue hostis,
 Planget & aduersam sanguinolentus humum.
 Non te, quòd densis horrescunt agmina signis,
 Terreat: has acies numina magna premunt.
 Diuorum violata animo simulacra reuolue;
 Et temerata truci fana vetusta manu.
 Vēstales subeant aditus, & milite, castus
 Quæ colit, audaci claustra refracta, pudor.
 Illa est, illa ferox letho sternenda iuuentus,
 Diuorum è tumultis quæ ruit ossa sacris.
 Quique dedit cineres nostros ludibria ventis,
 Det lacer impastis ossa inhumata feris.
 Quòd*

Quòd causa vincis, vinctes & viribus hostes :
 Stabunt pro castris iusque, piumque tuis.
 O quantos hodie confusæ cædis acervos
 Adspicies ! dextra funera quanta dabis !
 Euentura cano belli non futilis augur :
 Mentiri haud superùm nuncia lingua potest ;
 Ecce tuas volitat circum Victoria turmas ,
 Lectaque Idumæis fert tibi ferta iugis .
 Dixit & intorsit furialis robora teli ;
 Horret quà denso crebrior hoste globus .
 Proxima Boiugenæ regis volat hasta per auras ;
 Cætera ductorem turba imitata ruit .
 Exhortantur equos , laxisque feruntur habenis :
 Quadrupedum occurrunt pectora pectoribus .
 Fulmineum explodunt nitrosa tonitrua plumbum ,
 Sulphureasque volat Mors comitata pilas .
 Dant sonitum colles, refugitque exterritus amnis :
 Æther dissultat , concutiturque solum .
 At Dux fatifero Boiorum dimicat ense :
 Quà ruit, horrescunt obuia corda metu .
 Latum limitem agit, peditemq. equitemq. metendo ,
 Versaque vulnifico fulmine terga ferit .
 Indica sic frendens furit inter ouilia tigris :
 Per Libycas equitans sic ruit Auster aquas :
 Sic

*Sic flamma arentes victrix populatur aristas:
 Diluvium meditans sic tumet Ister agris.
 Tum verò exoritur clades horrenda cadentium,
 Strataque in informi corpora cæde natant.
 Pars ruere in fatum, pugnaci & pectore mortem
 Accipere: aſt alij fidere terga fugæ.
 Hi fluvium petere, & rapidis se credere lymphis;
 Brachia sed vincit vulnere tarda labor.
 Iam terror miseros nigris amplexitur alis,
 Et quatit insolitus pectora pulsa timor.
 Iam reboant gemitus morientium, pallida fuſo
 Exultatque virum sanguine Tiſiphone.
 Undique ſanguineæ ſtrages, & plurima mortis
 Verſatur facies: inficit arua cruor.
 Vicit Religio tandem, fuſæque cateruæ
 Sunt viſæ ad noſtros proijcere arma pedes.
 Tu quoque Rex ſtares miſerādus trūcus in arvis;
 Ni letho profugum ſurripuiſſet equus.
 Ecce penus Morauas, latebroſa cubilia, ſyluas,
 Nec, quæ circumſtrent aſpera fata, vides.
 Quo ruis, ò demens? noſtris accede triumphis:
 Cæſareum ſatius ſponte ſubire iugum.
 Iam tibi prædico exilium, longosque labores,
 Pauperiem, & nullos per tua regna lares.
 Fini-*

Finibus extorris, Rhenique expulsus ab amne,
 Quàm mallet, dices, hac cecidisse die!
 O ubi nunc soceri auxilium, classesque Batavae!
 Fugisti: languet spiritus ille tuus.
 Voverat ille (nefas) sese Capitolia ferro
 Excisurum olim, Romulidumque decus:
 Ebrius & patrio celebrans conuiuia Baccho
 Sacrarat telis Itala regna suis.
 At superi oderunt ventosæ prælia linguae:
 Imminet in tumidos numinis ira duces.
 Montibus Æmonijs celsos imponite montes,
 Monti parque Mimas, Oromedonque ruant.
 Ægeon validus centeno fulguret ense,
 Porphyrionque fremat, centimanusque Gyas.
 Fulmine deiecti Stygias trudentur ad undas:
 Inuenient Siculis flammea busta iugis.
 Pura triumphatum Pietas ascendit Olympum,
 Et parent humili sydera capta prece.
 Hinc tibi victori, plausu fremituque secundo,
 Fessa malis referat moenia Praga triceps.
 Tu sancis leges, inimicaque foedera rumpis,
 Dux acie, & iusto dux metuende foro.
 Bella gemunt, fractamque fidem, te iudice, sontes,
 Fallaces cohibent vincula athena viros.

Li-

Liſtorem metuunt auſi ſpreuiſſe phalanges:
 Armorum peragit ſtriſta ſecuris opus.
 Miles, io, ingeminat præcinctus tempora lauro:
 Acer io, ingenti voce, triumphæ, canit.
 Ante tuos currus fracto Muldania cornu
 Decolor incedit ſanguine tincta ſuo.
 Fertur ſummiſſo, triſtique Bohemia vultu,
 Quas nutrit, paſſis, puluerulenta, comis.
 Numina redduntur templis; altaribus ignes;
 Numinibus cultus; thurea grana focis.
 Primus & ante aras Princeps inducit honores,
 Hoſtileſque aptat poſtibus exuias.
 Arma fugacis equi; ſervantia ſigna cruorem;
 Et de languenti ſpicula lapſa manu.
 Ingentes pendent hæſtæ, infelicia tela;
 Et fruſtrata ſuos ſcuta cruenta duces.
 Sacra redux celebrat Romana in veſte ſacerdos,
 Edit & arcana verba timenda ſono.
 Dein animata Deo delibat munera menſæ,
 Et memorans Chriſti funera corde litat.
 Monſtra fremunt Erebi, Cocytia regna reſultant:
 Horrendum Huſſitus ſibilat ore draco.
 Magnus calicolum plaudens tibi Carolus aula,
 Hæc ſecum tacito in pectore verſat auus:

O ve-

*O verè eductam Francorum è stemmate prolem !
 Prælia sunt testes sanguinis ista mei .
 Prosequitur plausu stellantis regia cœli ;
 Gaudet & aligerùm templa per alta chorus .
 Quare age præceptis pubes imbuta Latinis ,
 Rite operata Deo munera mente refer .
 Grates Cœlitibus, quorum immortalibus armis
 Debetur pulchro paria labore salus .
 Ferdinande tuo victor letare triumpho :
 Gaude Cæsareis fascibus aucta domus .
 Victa sub Augustis redijt prouincia virgis :
 Externumque inguin se coluisse dolet .
 En tua sydereæ veniunt ad classica turmæ .
 En tua Coelicolum prosperat arma Pater .
 Non tibi dat metas rerum, non tempora cœlum ;
 Terrarum imperium sed sine fine dedit .
 O bene culta pio cœlestia sacra Rodulpho !
 Qualia creuerunt omine regna tuo !
 Exoriens , moriensque tuas Sol aspicit undas :
 Austro, & Arctoi te colit ora soli .
 Concinit Austriacos Siren Tyrrhena triumphos ;
 Et plaudit fausta, cum tonat , Ætna face .
 Belgica concreto per stagna rigentia tergo
 Arma, & plastra tuus stridula miles agit .*

B

Fœta

Fœta tuis sceptris alios fors parturit orbes,
 Transque fluentifonum regna dat Oceanum.
 Peruios tua iura domant, & Mexican ingens,
 Teque Thyeſtea Braſili paſta dape.
 India quin aurum, captiuæque cinnama mittit;
 Mæmnonij baccas & tibi dona freti.
 Gangaridum Hiſpanæ ſunt hospita littora puppi;
 Seruit & Eoæ fertilis ora Goæ.
 Gaude Relligio, ſoboles dilecta Tonantii:
 Ire per Æthiopas ad tua templa licet;
 Auroræ tellus veneranda oracula poſcit:
 Sacra niger patrio thure procurat Arabs.
 Occiduis Phlegeton longe detruditur aris,
 Patagonum luci præmonuere fugam.
 Quæ tenet imperium, Romanos Auſtria mores
 Edocet, & victos ad pia ſacra vocat.
 Tu Cælo populos, Superi tibi regna rependunt;
 Nec magis es ferro, quàm pietate potens.
 Hæc ego magna canam vates tua ſigna ſequendo:
 Gloria det vires, car mine magnus ero.



AD



A D
GREGORIVM XV.

PONT. MAX.

Bellicos Italiae tumultus pa-
cantem.



ROIIICE tela manu bello
furiosa iuventus:

Linquite Canomanum Mar-
tia castra duces.

Cornipedisque leues cesset glo-
merare recursus

Lugubri galea luce timendus eques.

B 2

Ro-

Romanus vetat arma Pater, Martemque relegat,
 Sanguineamque sitim trans pia regna fugat.
 Compefcant litui, compefcant classica murmur:
 Contentur pacis sola trophæa tuba.
 Democat è Cælo, felicia munera, pacem,
 Qui reseat Cæli limina abhæna Pater.
 Ausonias solui decernit in otia gentes:
 Itala pallenti liberat arua metu.
 Drusorum manes, Augusti nominis umbræ,
 Gaudete: hæc vestri est pompa laboris opus.
 En iterum reduces Capitolia ad alta triumphi;
 Nec tamen hic ullo est sanguine partus honos.
 Alpibus impositi Rhæti sensere tremendis
 Agmine non fracti iura latina togæ.
 Cernite tranquillos deuoluat ut Abdua fluctus;
 Et Phætontæas purior auctet aquas:
 Serius ut torquens per opima noualia cursum
 Roscida triticea cornua cingat ope.
 Larius indigena crines umbratus oliua
 Splendidior gelidis exerit ora vadis.
 Hunc circum Nymphae, glauci gēs humida regni,
 Desuetos ducunt vda per antra choros.
 Eheu quot scelerum moerens Insubria vultus
 Ceperat, heu quantum pertimuisse nefas!
 Et

Et sibi funestas acies plebs agra canebat,
 Et cadem, & pradas augure docta metu.
 Ille situ turres muris fulcire labantes;
 Et terra infossas credere anarus opes.
 Tristibus excubijs hinc cingere mœnia miles;
 Atque alij externa quærere sede lares.
 Fataque pramonuisse Deum crudelia signis,
 Bellaque narrabant significata polo.
 Quùm triplici Phœbus fulsit mirabilis orbe;
 Pallentique diu lumine sparsit humum.
 Cùmque cateruatim stragem demisit Auerno,
 Depopulatrici falce cruenta lues;
 Et viduas passim cereali munere terras
 Solata est priscis quercus opaca cibus.
 Prodigia hæc trepidum terrebant nuncia vulgus,
 Omnia Gregorius eum meliora dedit.
 Publica vela regens Mundi, clavūque ministrās,
 Promisit faustum Navita puppis iter.
 Extemplo gravidi bellis cecidere fragores,
 Detonuit scopulis: unda quieuit iners.
 Quàm citò ubi antennis grati effulsere Lacones,
 Stagna modesta iacent, murmuris aura silet.
 Quàm citò quùm crepitās lapidoso verbere grādo,
 Disjcit & vites, & sata læta boum.

Diffu-

Diffugiunt imbres, mitescunt flamina Cauri,
 Iris ubi roseis æthera tranat equis.
 Gratia multa tibi magnorum maxime Regum;
 Depositis clypeis, otia mundus agit.
 Pax ardor Superum, Cali mitissima proles;
 Omne cum fausto Diua salubris ades.
 Huc ades atque Padi curru perlabere litus,
 Et tibi casta regat fræna pudica Fides.
 Quacumque ingrederis felici Copia cornu
 It comes, & lato in gramine balat ovis.
 Incustoditæ Zephyris agitantur aristæ,
 Et teritur valido sole perusta Ceres.
 Te sequitur Bacchus; per te servantur apricis
 Collibus ad domini musta vehenda lacus.
 Sarcula pace vigent, rubigo amplectitur hastas:
 Cedit ruricolis gloria bobus equi.
 Fas graditur tecum, tibi rident oppida, & vrbes;
 Tu maculosa graui crimina lege domas.
 Iustitiam folio pulsam tu reddis eburno:
 Illius horrendas instruis ense manus.
 Pacatum hinc volitat mutandis mercibus æquor,
 Nec timet à nigris nauta pericla Notis.
 Et tranquilla quies curas ornare recentes
 Gestit, & inuenta fertilis arte nitet.

O mor-

O mortale genus quid letho in damna ruenti
 Nostra iuuat celeres Marte aperire vias?
 Quis furor est claras lauros nutrire cruore,
 Pectoris ut fossi vulnera nomen emant?
 Cognatis parcit maculis ieiuna leonum
 Ira, nec agnata gaudet hyæna dape.
 Ecquando tygris gelido baccata Niphate
 Parthica turpauit comparis arua nece?
 Proh pudor! humana est rabies asperrima ferri;
 Humana indomitis sæuior ira feris.
 Quod si tantus amor cædis corda aspera pulsat;
 Desinite in patriæ stringere tela lauis.
 Thrax vocat Ausoniæ resides in bella cateruas;
 Et poscunt Siculas Bosphora bina rates.
 Vos pia busta vocant fœdo calcata Tyranno,
 Inque Palestinis sacra litata iugis.
 In Scythicas plaustro turmas, pharetraque potentes
 Vulnera sit pulcher figere certa labor.
 Aut vos adscensis comitentur præmia Susis
 Bellica, odoratis thuraque rapta viris.
 Aut vestra in Parthis latetur stragibus hasta;
 Matribus Eois hasta gemenda diu.
 Ite agite, atque Asiæ felicia regna triumphis
 Lustrate, & capto dicite iura Syro.

Vobis

*Vobis ferta dabit florum nutritor Orontes ,
 Perducat vestras unguine myrrha comas .
 Gracia barbaricè senis onerata catenis
 Implorat socias semisepulta manus .
 Oenotrias classes æstivas Nilus ad undas
 Tota veste vocans pandit in amne sinus .
 Se laniant Orientis opes , sibi dissidet ingens
 Aurora , inualido sceptrum tenente duce .
 Et fremere insolito prætoriam castra tumultu
 Vidimus , in Regem pilaque missa suum .
 Ille velut Boreæ procumbens viribus ornus
 Occidit , & trunco corpore planxit humum .
 Discite ab exemplis hostilibus inclyta facta :
 Victima erat nostris hæc iugulanda focus :
 Parcite cognatas in bella laceßere gentes :
 Sanguinis abstinere Ausonis ora tui .
 Quod te iam dudum laceras discordibus armis ,
 Nostra peregrino sub pede colla iacent .
 Pauperiem , morbosque viris lacrymabile bellum
 Omne parit , cæcus cum mouet arma furor .
 Verum cum lituos inflat civilis Enyo ,
 Ipsa quatit Stygias torua Megera faces .
 Acrior infrænat Mars in certamina currus ,
 Et peiora illum monstra secuta ruunt .
 Helle-*

*Hellespontiacos utinam tibi Roma triumphos
 Ante meos obitus monstret amica dies .
 Qua videam Patris auspicijs turbata Latini
 Sacra Arabum, & Latio reddita sceptrā foro.
 Gregorij hoc pietas, hoc auri prodiga poscit
 Dexterā, & assiduo culta labore fides .
 Huius ab auspicijs iam nunc per templa propagās
 Religio ante aras sacra pianda docet .
 Et Vaticanæ de culmine creditur arcis
 Ægida concutiens tela ciere Deus .
 Hæc precor eueniant . lauro tunc victus ouanti
 Tractabo aurata consona pleetra lyre .
 Conaborque tuas laudes diffundere in ævum ,
 Exiguus nostro sit licet ore sonus .
 Nec me tardabunt raucae mala murmura linguae
 Quin bellator, io, voce, triumphæ, canam .
 Iusserit hoc Clio ; mutum genus omne natantum
 Edet Cycneos per vada salsa modos .
 Sic ope Pieridum gelidas trans audiar Alpes ;
 Trans tepidam Meroen, tu modo Phœbe velis .
 Et vincam æterna clamantem Stentora voce ,
 Nec mea cum Zephyris verba caduca fluent .
 Non me perpetuæ carpent obliuia noctis ,
 Non omnis moriar, tu modo Phœbe velis .*



GREGORIVM XV.

ITERVM LAVDAT

OB TRIUMPHVM PRAGENSEM.



IRTVTIS, legumque pa-
rens, celeberrima regnis,
Condita septenis Romula ter-
ra iugis.

O Patria æternùm fœlix, fœ-
cunda triumphis.

O bellatorum prole beata virum!

Tu

*Tu quamvis gemino solis metuenda sub axe,
 Margine sydereo clauderis urbis opes.
 Mille licet Tuscum Tybris regnator in æquor
 Sceptra triumphali barbara veſtet aqua;
 Annibaliſque fugæ, & regalia vincla Iugurthæ
 Dardaniæ fuerint pompa cruenta manus.
 Grata tamen lauros ne dedignare recentes,
 Quas tibi de Rheni littore, Diva, fero.
 Gregorijque ſacros præcingat adorea faſces,
 Quasque apices terni circumiere comas.
 Tu latè horrendo ſacrorum numine pollens
 Tranſcribis inſſu perfida regna gravi.
 Deturbas ſolio reges, adimiſque curules,
 Nec falſa populos plaudere voce ſinis.
 Ecce Palatinus magnæ te vindice linguæ
 Euerſus regnis præmia digna tulit.
 Conſilijsque tuis iuſtiſſima Cæſaris ira
 Tranſtulit in Boios regna caduca lares.
 Ille ferox nobis dementes corde ruinas
 Dum parat, à patrijs excidit exul agris.
 Quas tu ſperaviſti exuvias, dedit ipſe Quirino:
 Pendent è noſtris ſigna Bohema tholis.
 Nec tantùm Auſonias augent Mauortia prædas
 Tela, ſed & capti, Palladis arma, libri.*

*Cecropias, sapiens vixit queis Gracia, chartas
 Hostibus ereptas Romula cura legit.
 Heidelbergae tuis clarescet Roma ruinis,
 Dum viuent artes, ingenijque decus.
 Tu quondam aduersas in nos hortata phalanges
 Infandas poteras are onerare manus.
 Calvinusque tuis conflabat dira cauernis
 Hæsuræ in nostro tela ferox latere.
 Argiuaque aciem verborum fraude polibat
 Gorgoneo explorans tincta metalla lacu.
 Non ita Cyclopum si vera est fama camini
 Informant rapido fulminis igne minas.
 Pro re Cælicolum, pro maiestate Tonantis
 Ictibus horriferis saxa Sicana gemunt:
 Miscuit & nudus candentia tela Pyracmon
 Centimanum ardenti clara futura nece.
 At tu Terrigenis Rhæni fabricata sub antro
 In Cœli exitium tela rotanda dabas.
 Tybridis ò castæ pubes operata Minervæ
 Gaude Socraticæ pignore læta domus.
 Hæc tibi sufficiet sternendis hostibus arma;
 Hinc illis terror, morsque cruenta venit.
 Quis scit, an & nostris hinc olim excussa lacertis
 Inficiet fusus spicula ab hoste cruor?*

Pe-

Petre faue, miles Christi dum praelia tento;
 Et mihi de Petri munere surgit opus.
 In tua monstra feror, Germania foeta colubris,
 Et mihi sunt arcus, & mea dextra nocet.
 Vipereos rictus, latrantia colla refringam,
 Et sparsa pharetræ pondere victor ero.
 Interea dulces Phœbi redeamus ad artes;
 Me cytharæ imbelles, plectraque Lyda vocant.
 Rex ò sacrorum tibi plebs, tibi Curia plaudat:
 Castalij plaudant per iuga bina chori.
 Et, benefactorum merces, tibi gloria detur,
 Et memores titulos fama superstes alat.
 I felix, puppique sacra pete regna per undas,
 Mercibus Eois perge onerare ratem.
 Vise pharetratas gaudentes cæde Moluccas,
 Hospitibusque feræ littora Brasiliæ.
 Trans Indû, & Gangem, nascentis & ultima Solis,
 Cæruleas certo sydere curre vias.
 Xauerus magno ante aras dignatus honore,
 Auspice te, Superûm, lintea tuta vocat.
 Legifer ille Euri, Ledaïs clarior astris,
 Ostendet fido lumine puppis iter.
 Crede mari pia lina Pater: iam sternitur unda:
 Pura repercussa marmora luce nitent.

Iam

Iam non de septem specubus effusa Trionis
 Naufraga tempestas in tua vela ruet.
 Nimbrorum illa olim sedes disiecta tumultu est
 Æolia ingenti, nostraque iura timet.
 Hostes hinc soliti Cauris immittere habenas,
 Ut quaterent alis aspera dorsa freti.
 Atque indignati turgentia regna tridentis
 Romanæ inferrent ultima damna trabi.
 Visum aliter superis: navis, navisque Magister
 Post victas hiemes littora tuta tenent.
 Navita Gregorius nunc regnat, & Æolus idem;
 Hic novus Hippotades murmura rauca domat.
 Tolle Ithaco mendax frenatas vtre procellas
 Clio, Romani est remigis illud opus.
 Hic Vaticanis includit flamina claustris:
 Et rabiem, & furias prouidus ære ligat;
 Moenia Pontificum, Diuisque habitabile bustum,
 Dædaleisque minis templa imitata polum.
 Ruraque Phæacum syluis certantia cultu,
 Naiadum choreis, vdaque semper humus.
 Porticibus vestris ò qui me sistet, & umbris
 Noscere quærentem Graia reperta senum?
 Ut tacitus vulgo reptare incognita Tempe,
 Et possim vestro rore leuare sitim;

Hic

Hic ego Mopsopij vel ducam pocula mellis,
 Curuaque Piræi littoris arua legam.
 Vel cupiens dubias naturæ accedere causas
 Ingrediar Macedum culta Lycæa duci.
 Persequar aut tragicum spirantia carmina vatū,
 Cæique Alcæique aurea plectra lyra.
 Tunc ego despiciam stultæ mala gaudia mentis,
 Donaque gemmiferi despiciam pelagi.
 Quod formidatus vestigat classe Bataurus,
 Quæ matutinas Tauræ colorat aquas.
 Sardinia segetes, bene olentes fruge Sabros,
 Hermum despiciam, despiciamque Tagum.
 O valeant fascēs, spinosaque purpura Regum:
 O valeant miseri, quos levis urget honor.
 Quos vehit ad trabeas ventosis Gloria bigis,
 Pectora quæ surdo verberare cæca ferit.
 Tu Bellona vale, & vos ò fera bella valetē,
 Et Martis furias docta ciere tuba.
 Alter pila rotet campis, hastasque coruscet,
 Quæ magnus nautis emicat Oarion:
 Oceani Oarion pedibus qui stagna peragrans
 Æquoreis humeros altior extat aquis.
 At me fallentis carpentem comoda vitæ
 Parnassi adspiciat lenis alumna quies.

Sic


*Sic ego Musarum deuectus præpete penna
 Eripiar populis, & super astra ferar:
 Maior & inuidia per posthuma carmina viuat,
 Virtutisque tua, Roma, Poëta canar.*





NICOLAUS LVDOVISIVS ISABELLÆ GESVALDÆ

Sponsæ Venusij Principi.



*ACCIPERE Trinacrjys è Re-
gibus edita Virgo
Coniugis ingenua scripta no-
tata manu.*

*Accipe: concessos narrabit
epistola amores,*

Sollicitique animi nuncia verba feret.

D

Non

Non tot arundineis armantur terga sagittis
 Parthica, quot lacero in pectore tela gero.
 Nec sic ardet ager, ventis æstate coortis,
 Pastor ubi flammis pinguibus arua coquit.
 Ut mea tabificis torrentur viscera tædis;
 Feruidus ut nostrum molle cor urit Amor.
 Unica tu nostræ causa es pulcherrima curæ,
 Unica tristitiæ fonsque, modusque meæ.
 Vritur omnis amans, sed aperti coniugis ignes
 Suscitât, ut uiuant, penniger ipse Puer.
 Fælices, sociæ iungunt quos fœdera dextra,
 Iungit & ad thalami gaudia pacta Venus.
 Me tibi connubio puerum data dextera nectit;
 Non vacui nectunt frigida regna thori.
 Te Campana tenet fœlicior hospite tanto
 Tellus, me inuitum Romula regna tenent.
 Heu mihi quam longè meus à me dissidet ignis!
 Ignis abest longè, sed ferus ardor adest.
 O utinam optato coram consumerer æstu,
 Explerentque auidam lumina amata sitim!
 Maceror, & nostro non fit medicina dolori;
 Acer & in latebris pectoris hæret Amor.
 Quid faciam? celerare fugam, sedesque paternas
 Deserere, & fratris limina cara iuuat.

At

*At vigilis patrui pia me custodia servat,
 Quam calum, & terræ, fuscaque regna timent.
 Hic mihi discessum optatum, veniamque roganti,
 Causatus puero multa, negavit iter.
 Te tamen inuenio, quamquam his regionibus absis,
 Blanditÿsque tuis, quâ datur arte, fruor.
 Mente agito vultus ad nostra incendia natos;
 Artificis video lumina Amoris opus.
 Et meditor flavos crines, & eburnea colla,
 Quique precor, niveos, sint mea præda, sinus.
 Cum verò hæc meditor, cælum contingere plantis,
 Et videor celsi templa habitare Iouis.
 At cum te absentem agnosco, mea gaudia cessant,
 Et videor tristi trans Styga puppe rapi.
 Solamenque mali, misero quòd restat amanti,
 Legatos qui te, multa, adiere, rogo.
 Quid facias posco, de me quodcumque locuta es,
 Quaque scio quero, mox repetita peto.
 Qui vultus, quam forma decens, quâ dulcia verba,
 An desiderio tu moueare mei.
 Num cytharæ cordi tibi sint, num Palladis artes?
 Saltanti ut soleas molliter ire pede?
 Ecquid in antiquam virtutem gloria regum
 Te rapiat, quenam sit tibi culta parens?*

*Hæc tunc sæpe meo reddunt responsa dolori,
 O foelix tali vulnere quisquis amat !
 Fulua coma est illi, niveo pulcherrima fulget
 Corpore, & incessu Numen, & ore patet.
 Illius ex facie contorquet fulmina Cypris ;
 Dum loquitur, vernas spargit ab ore rosas.
 Illius in digitis, plectrisque loquentibus artem
 Musica Phœbei gloria fulget aui.
 Seu choreas ducit, siue est operata Minervæ,
 Ponè illam triplex Gratia subsequitur.
 Et memor illa tui est, & multa interrogat illa
 Te super, & roseo, dum rogat, igne micat.
 Casta pudicitiam mater, sanctosque penates
 Servat, & in pacto fœdere amare iubet.
 Ipsa genus factis testatur sanguinis heres,
 Atque animi ante alias prima puella nitet.
 Hæc mihi respondent cupientes fallere curam,
 Ast alimenta furens hinc sibi sumit Amor.
 Gliscit in immensum, nec se bene continet æstus,
 Fletibus attenuor, pallor & ora subit.
 Et me cunctarum capiunt fastidia rerum :
 Non pila, non disci, aut flectere ludus equos.
 Non cursus me palma iuvat, pulvisque Palestræ:
 Nare per æstivos non mihi cura lacus.*

Quo

Quò rudior primos mens non intelligit ignes,
 Sævior in teneram spicula figit Amor.
 Læditur à primo detrectans taurus aratro,
 Primaque languescit sub iuga missus amans.
 A te principium nostræ duxere favillæ:
 Ultima tu curuo es flamma futura seni.
 Per tua tela, arcus, & per tua, lampadas, arma,
 Sic tibi de superis sæpè triumphus eat.
 Parce Puer, Pueri nulla est me gloria victo;
 Parce, sed ut parcas, cuspide læde magis.
 O me felicem, hic cinerem si fecerit ardor!
 Sit mihi tam pulcro laus in amore mori.
 Gratia sit Superis, talis quod gratia formæ
 Me cæpit, cupidis mille petita procis.
 Quæ te ex ingenti Ausonia, matresque, virique
 Natorum tædis non cupiere nurum?
 Non tot Dulichij procures, errante marito,
 Ausi sunt nuptæ sollicitare fidem.
 Si te fecisses crudelis premia pugnæ,
 Elide nobilior nunc tua terra foret.
 Herculei mallent pro te certasse lacerti,
 Teque dolo aurigæ Phryx rapuisset equis:
 Quique tulit celeris munus Schoeneida plantæ
 Aurifera mallet te superasse fuga.

In

*In te laudantur mores, vultusque, genusque,
 Et tibi quas campus dat Venusinus opes.
 Sunt quos diuitiæ, sunt quos tua regia tangit,
 Et quæ Lucanis ingera bobus aras.
 Me tua forma rapit, non mænia vatis Horati,
 Et casti mores sunt mihi flamma decens.
 Non tamen hic vestros ausim damnare triumphos,
 Maiorum laudes, & benefacta mari.
 Te tua, te veterum comitatur gloria, priscos
 Appula Normannos regna loquuntur auos.
 Exuijs Arabum, pulsus & victor Achiuis,
 Robertus patrios auget honore lares.
 Illum angustantem cumulatis funerum acervis
 Vidiſti ripas, Aufide lente, tuas.
 Turbidus & quatiens validam Rogerius hastam
 Armata retulit regiaserta comæ.
 Chalcidicos campos, & rura Typhoidos Ætnæ,
 Et Capuam hic sceptris preſſit, & arua Lami.
 Quid memorem Sueuas materno è ſtémate lauros,
 Fluminibus centum quas pater Iſter alit?
 Hac alij iactent dulcis præconia famæ:
 Tu fulges titulis conſpicienda tuis.
 Tu mihi denictis melior prouincia turmis;
 Exauia, & reges, tu mihi currus eris.*

Ab

Ah modo sis facilis, neu connubialia differ
Gaudia, & inuisæ tadia rumpe moræ.
Sed cur, ut venias, frustra mea vota laborant?
Non tu causa moræ; sed negat annus iter.
Torrida cælestis rapidus per brachia Cancrî
Phœbus anhelanti sydere ducit equos;
Atque herbæ sitiunt morientes, & caua siccis
Stagna arent ripis, omnis & aura filet.
Pontine halantes cænosa vligine valles
Æstinam prohibent fœda per arua viam;
Nec tutum Cumas, Circesque vel Anxuris arces,
Aut Læstrygonium radere puppe salum.
Non bene Campani mutantur Tybride colles;
Hic vitio cæli nam furit atra lues.
Corpora grassantes sternunt iuuenilia morbi:
Igneæ vis Urbem dat populata neci.
Te seruent potius cognatæ regna Cæsartæ,
Neu subeas dubiæ tanta pericla via.
Me miserum! vellem tibi non suadere, quod oro:
Ut maneat istic atamen ipse præcor.
Tutius æstiuos istic perferre vapores,
Icarij, poteris, dum micat ira Canis.
Te gelidis foveant Tifata vberima riuis;
Quæ niger umbrosas lucus opacat aquas.

Alci-

Alcinoi superant vestræ pomaria sylvæ;
 Fœlix qui agricola Principe gaudet ager.
 Non liquidi desunt fontes, non mollia prata:
 Arbor habet frondes, gramine vernat humus:
 Quæque per immensas sunt semina didita terras,
 Pandunt insolitas rura per ista comas.
 Narcissusque, crocusque, & gramina, Solis amores,
 Regum & de vario funere surgit honos.
 Fama est per vestros errare animalia montes,
 Et cicures plumæ verficoloris aues.
 Sive igitur pictis rheda spatiabere in hortis
 Seu canibus quæres præmia, sive plagis.
 Sive pharetratæ ritus imitata Diana
 Torquebis gracili Gnosia tela manu;
 Dent tibi plaudentes argentea lilia Nymphae,
 Et faueant Satyri, Naiadumque chori.
 Adsitis nemorumque Dea, rurisque puellæ:
 Pulcrior in vestros Cynthia migrat agros.
 Spargite humi folijs, manibus date roscida plenis
 Serta; fluant fusæ per nemus omne rosa.
 Huic nemora, & saltus, fontesque recludite puros,
 Ut gelida arentem temperet unda sitim.
 Tu quoque de Getico, Borea, celer axe faueto:
 Per dominæ placido flamine curre sinus.

De-

Defendat nimios tuus illi spiritus æstus,
 Illa tuis animis purpurea ora subi.
 Sed caue ne nostris committas oscula labris:
 Attica amatori sit tibi præda satis.
 Campani montes, & formosissima prata,
 Vxoris ninæo pascua tacta pede;
 O utinam vestros possem penetrare recessus;
 Aspicere & Dryadum vestra per antra choros!
 Tecum unâ salices inter, mea vita, iacerem,
 Tecum unâ in sylvis vellem agitare feras.
 Et modò captarem frigus, legeremque ligustra
 Candida, cælestes implicitura comas.
 Et modò penderem dulci cantantis ab ore
 Miratus doctæ carmina auita lyra.
 O quoties medio cum Sol altissimus orbe est,
 Acciperet fessos qualibet umbra duos!
 Non quererer, teneros æstus quod laderet artus,
 Foedarentque meas retia torta manus.
 Vana sed aëriæ rapiunt mea vota procellæ:
 Proh dolor! en sylvas, me sine, sola vides.
 Ah saltem capiant te nulla obliuia nostri,
 Et dicas: coniux, hei mihi! fidus abest.
 Cura sit illicibus nostros incidere amores:
 Fac legar in multo cortice scriptus ego.

E

Hæ

Hæ tibi sint artes, longum sic falle laborem :
Parce per hos æstus, vita, nocere tibi.
Interea lectis te somnia nostra reducant ;
Luminibus nostris umbra benigna veni.
Tunc ego perpetuo vellem languescere somno ;
Tunc matutinos odero Solis equos.
Te tamen & vigilans spectabo, perfruar absens
Vultibus optatis, quos mihi cera refert,
Non respondentis simulacraque vana figura
Alloquar, & labris oscula mille dabo.
Felix Pygmalion, signi qui captus amore
Vota ferens Veneri vivere vidit ebur.
Nostrum vivit ebur, spirantia membra puella :
En erit, ut possim hoc diues amore frui ?
Et fruar, & nostro pones vestigia lecto :
In mea tu venies brachia, dulce caput.
Spes bona, promissis tristes quæ ducis amantes,
Ingredere ò tandem pectora fessa malis.
Tuq; ò decurrens animosa per astra Leonis
Axe moraturas contrabe Phœbe faces.
Tæque cito accipiat redeuntem flexibus actis,
Quæ pensat somnos lumine Libra pari.
Tunc molles campi, tunc clementissimus annus,
Qui discessuros carpere suadet iter.


At

*At tu, seua Lues, succinta Pauoribus alas,
 Sub patria infandum Tartara conde caput.
 Solue metu Romam, fugiens Saturnia regna:
 Splendeat hic roseo lumine pura dies.
 Tunc, mea lux, venies nostrorum finis amorum,
 Siue velis terris, æquore siue vehi.
 Ipse tibi faciles undas, ventosque precabor,
 Nereidumque regant ut tua lina manus.
 Aspiciensque tuam tranquilla per æquora pinum,
 Illa vehit, dicam, numina nostra ratis.
 Non me fallenti tardabit littus arena;
 Non breuia alternis stagna refusa vadis.
 Oscula quin tibi dem properata sine ordine multa;
 Oscula amatori trans mare digna rapi.
 At tu Romuleas arces inuecta triumpho,
 In Latij venies patrua regna senis.
 Quæ te pompa manet, cum tu pulcherrima rerum
 Ibis inauratis per fora plena rotis!
 Dardanij occurrent procures, festæque caterue:
 Tempia frement plausu, lætitiaque via.
 Aspicies Urbem, victricia mænia mundi,
 Alternæ Solis quam tremuere domus.
 Hæc legum, bellique Parens oracula terris
 E Vaticano culmine sancta canit.*

Hic Patrus dat iura meus, qui foedere nexos
 Nos iterum iunget per noua sacra manu.
 Hic vir, hic est, Italis pacem qui reddidit aruis
 Nondum tergemino cinctus honore caput.
 At nunc sceptrum tenens, irasque, atque impia bella,
 Criminaque inuictis vincula adamante ligat.
 Huius ab auspicijs Diuorum altaria crescunt,
 Templaque coelitibus thure vaporat Iber.
 Hic senium emendat legum, & suffragia Patrum,
 Hoc duce per Latium prisca metalla fluunt.
 Non ego ventosus trabeas generisque trophæa
 Hic refero, ut titulis perfruar ipse meis.
 Mens meliora monet, magna hæc tibi gaudia narro,
 Ut citius stimulis acta ferare nouis.
 Quin te purpurea redimitus tempora vitta
 Optatum frater plausibus excipiet.
 Hunc fama est meritis ostrinos vincere honores:
 Fortunam didicit tam bene ferre suam.
 Seu rem Romanam statuit plaudente Senatu,
 Sive rudes populos Romula sacra docet.
 Hic desueta diu reuocauit ad otia Musas,
 Fraudentur celebri ne sua facta lyra.
 Te centum, aut plures tollent ad sydera vates,
 Nam centum, aut plures Tybridis arua colunt.


En

En cytharas, & pleetra citant, thalamisq. precatur
 Ut faueat nostris lampade clarus Hymen.
 Quid memorẽ, quæ nostra parat tibi munera mater,
 Arabio niteas ut noua nupta mari?
 Et claros lapides, Erythrææ & germina conchæ.
 Quæ peperit Ganges, quæ Comorina Thetis?
 Iam tibi depectunt folijs sua vellera Seres,
 Et tunicas auri fulgure pingit acus.
 Flamina net paruo fœcunda Bononia Rheno,
 Optat virgineus quæ sibi vela pudor.
 Et viridi Zonam variant tibi luce smaragdi,
 Quæ tandem nostra est dissoluenda manu.
 Quare age, cum mitis patientur frigora brumæ,
 Cumarum Euboico è littore solue ratem.
 Interea pro me tecum mea littera viuat,
 Occupet & partem charta recepta tori.





A N T I V M
 VETVSTISSIMAM
VOLSCORVM VRBEM
 nunc dirutam celebrat.



*QVI Tyrrhenum celeri tra-
 be curritis aquor,
 Quorum tranquillis vela tu-
 ment animis ;
 Ostia seu Tiberis, seu saxa
 Ligustidis orae
 Linqvitis, & lani mœnia iacta manu.*

Sine

*Sive Dicharchæa nautæ solvistis ab acta
 Puppim, Parthenopes dulcibus aut scopulis.
 Sisite velivolam cursum, cohibete fauentes
 Auras, vela cadant, parcite remigio.
 Cernitis insana constratum mole profundum,
 Spumea quam circum murmure feruet aqua;
 Quà pelagus per saxa furit, fluctusque laborat
 Deiectum oppositas aggeris ire moras?
 Hæc quondam celebres testantur mœnia portus,
 Atque Austri in furias obdita claustra mari.
 Arripite has proris terras, monumenta docebo
 Vos veterum priscis eruta ab historijs.
 Non tantum sanctis instructæ legibus vrbes,
 Tectaque diuitijs luxuriosa suis;
 Mortalem alliciunt pulchra ad spectacula visum,
 Sed placet annoso squallida terra situ.
 Oblectat pavor ipse animum, sunt gaudia curis,
 Et stupuisse iuuat, quem doluisse piget.
 Littore in hoc quondam surgebant diuitis Antl
 Arces, Volscorum Regia celsa Patrum.
 Vrbs populis florens, felix & pinguibus aruis,
 Audaces ventis credere docta rates.
 Ausaque Romanas per bella laceffere turmas,
 Spernere & armati Consulis imperium.*

Vol-

*Volſca cohors paſtos abigens à Tybride tauros ,
 Roma , tui quondam militis horror erat .
 Pauperis ò ſemper memoranda infantia regni ,
 Quo ſe felici ſuſtulit alta gradu !
 Tunc Anio fuerat celeri pro Tigride Roma ,
 Extremique hominum Cruſtumeri , & Gabij .
 Hercyniæ ſaltus , Cymini vos antra fuiſtis ,
 Nile pater fontes , lympba Velina , tui .
 O quoties Volſci bellum inſtauraſtis , & acres
 O quoties fudit Marcia Roma duces !
 Sæpius impoſitum regni ceruice rebelli
 Detrectaſtis onus , ſeruitiumque ferox .
 Vicit Roma tamen , Martis iuſtiſſima cura ,
 Martius & victo iura dedit Latio .
 Cum mare ſanguineo perumpens Aſtura fluctu
 Aëſtibus inuoluit corpora caſa virum .
 Triſtior & fluxit valles Amafenus in imas
 Inficiens Saturæ ſtagna cadaueribus .
 Contudit Aëquorum nomen , Volſcoſque Camillus ,
 Moxque triumphalis Quinctius agricola .
 Antium & æquoreas vetuit tractare carinas ,
 Et fortunata merce onerare rates .
 Robora tunc primùm prorarum , captaque roſtra
 Suggeſtum Latij compoſuere Fori .*

Anne

*Anne parùm fuerat fluctus audisse minantes,
 Atque procellosi iurgia rauca fori ?
 Heu tempestates Urbis, legumque tumultus !
 Auditura nouum rostra mare imbuitis .
 Attamen ò gaudete rates, gaudete, latinum
 Vestras eloquium substinuisse trabes .
 Chaonia vatum celebrantur carmine quercus,
 Quòd visæ Euro sint concutiente loqui .
 At vos felices Ciceronem audire loquentem
 Queis datum, & ingenti Cæsaris ore frui !
 Nonne fuit satius tanta mercede domari,
 Atque hac perfidia præmia ferre trucidis ?
 Ast Latium puduit sacras coluisse secures,
 Romulidùm & forti subdere colla iugo .
 Inuidiæ stimulis urit nos proxima virtus,
 Et malè finitimos fœdere iungit amor .
 Quid fugis ò demens victricia sceptrâ Quirini ?
 Hoc bellante capi, crede, triumphus erit .
 Hæc quæ nunc breuibus spatijs sua Regna cœrcet;
 Hæc bellatorum rustica turba Patrum ;
 O quàm felici fatorum lege fruetur !
 O felix niueis Romulus alitibus !
 Non tantùm Ausoniæ victrix dominabitur omni,
 Sed feret Imperium trans mare, & Oceanum ,*

Agmina Romanos horrebunt Cimbrica fasces :
 Ditabit latium Cypria præda Iouem .
 Non Pyrrho virtus , non Poeno proderit astus :
 Corruet ante tuos , Roma , Iugurtha pedes .
 Tu duces currus utroque ab littore ouantes ,
 Pallidiorque fluet sub tua Regna Tagus .
 In Latias Aquilas frustra latrabit Anubis ,
 Cum Ptolemæa tu potiere Pharo .
 Ab tandem , Volsci , fatali ceditæ Romæ :
 Ceditæ ; & hostiles ponite mente dolos .
 Hæc vos excipiet gremio , ciuesque vocabit
 In sceptrum , & socias ducet in arma manus .
 Hæc vobis pia mater erit , facietis utramque
 Vnam animis urbem , coniugijque sacris .
 Euenere : suos huc misit Roma colonos ,
 Hostibus & victis ciuica iura dedit .
 Vestræque marmoreis donauit numina templis ,
 Iussit & ornatu cuncta nitere nouo .
 Addidit & turre , & propugnacula muris ,
 Signaque Phidiææ detulit artis opus .
 Prætulit & Tiberi dilectum Caius Antium ,
 Inferre auspicium huc grande , Deosque parans .
 Quid referam portus , seui monumenta Neronis ,
 Et vetitas patrum tundere littus aquas ?
 O quan-

O quantum ante alias Romana potentia gentes
 Viribus egregijs conspicienda nites.
 Hellespontiaco minitantem vincla profundo
 Xerxem indignatum Græcia risit ouans.
 Id Romæ licuit; potuit nam molibus altè
 lactis, frenatum continuisse mare.
 Indomitum clausit nec tantum carcere pontum,
 Sterneret ut tutum puppibus hospitium;
 Verum ut torpenti piscis securus in unda
 Luderet, hybernas negligeretque minas.
 Ingluuias Romana sibi sic prodiga portus
 Struxit, ut insanam pasceret arte gulam.
 Aspicite has rupes, Centaurica saxa; Gigantum
 Dicetis validas hæc statuisse manus.
 Nil intentatum diues solertia linquit:
 Stultitiam nimis nam patiuntur opes.
 Omnia sed victrix audet superare vetustas,
 Nil mortale diu subtrahiturque neci.
 Eheu Volscorum nil sunt nisi nomina terræ,
 Heu ubi nunc ædes, atriaque alta iacent?
 Ducti templorum periere ad sydera sumptus:
 Pascitur herbosas tarda iuuenca domos.
 Perque theatrales horrenti clade ruinas
 Fortis aratra manu curua bubulcus agit:

*Quà cantus, mollesque iocis viguere choreæ,
 Ad fontes potum fistula ducit oves.
 Magnanimùm Heroũ insultant armenta sepulcris:
 Ossibus illis grandia ræstra sonant.
 Quid iuuat audaci montes tenuasse securi?
 Umbris antiquum quid spoliasse nemus?
 Quidue Charistæas optare in fulcra columnas,
 Ut niteat diti fronte operosa domus?
 Inunc, tolle animos, ò spissi littoris Antium;
 Vrbs meditare tuam semisepulta necem.
 Ah miseram! versa tardaris imagine formæ,
 Teque tuo stratum litore non reperis.
 Quis me Fortunæ doceat quà nobile templum
 Iam steterit prisca Relligione sacrum?
 Fama est hùc dubijs petiisse oracula rebus,
 Et responsa domum certa tulisse Patres:
 Vana Superstitio regnantem credidit olim
 Fortunam, atque illi numen inesse Deæ.
 Extaque taurorum, Nabathæaque thura profanis
 Reddebant aris, dum sibi fata rogant.
 Hic multas optabat opes; astit alter honores,
 Stantiaque in plausum plena theatra suum.
 Hic sibi velocis poscebat dona quadrigæ,
 Præmia Circensis puluerulenta fugæ.*

Nau-

*Nauta leues auras, mercator lucra petebat :
 Durus foecundi ruris arator opes .
 Sic natum in curas hominū genus, agraque mentis
 Somnia, liba tulit numen inane colens.
 Non ego te Superūm, Fortuna, in sede locabo :
 Vota mihi ante aras nec nocitura feram .
 Non ea mens animo : pereant qui diuitis auri
 Pondus amant, vinctum gloria quemque rapit .
 Sanum posco animum, Virtutis amore calentem ,
 Fortiaque in vitæ munera membra peto .
 Dum bene sit capiti, mentis sedemque tumultus ;
 Cætera diripiant irrita vota Noti .
 Has mihi non audax vires in proelia posco,
 Aduersa ut superem castra timendus eques :
 Totus & ære nitens fuluo, cristisque decorus ,
 Scandam veloci moenia capta pede .
 Non ut marmoreos postes miratus adorem ,
 Limen & insomni milite sollicitum .
 Viscera sint alij Regum, scælixque vocetur,
 Curarum Princeps cui graue creditonus .
 Nil semper reticenda moror, trepidusque potentis
 Sit procul à nobis pallor amicitie .
 Me coluisse sacras Parnassi in vertice Musas,
 Et veterum scriptis inuigilare iuuat .*

Hæc

Hæc fuit, hæc nobis à prima cura iuuenta :
 Insitus hic nostro pectore feruet amor.
 O vinam valeam, corpusque fidele labori
 Prospera Palladio dent mihi fata seni!
 Tum mihi Naturæ libeat cognoscere causas,
 Cur celer obliquum permeet annus iter?
 Quam teneant elementa fidem? quæ semina rerū?
 Corpora diffusum num per inane volent?
 Noscam ego, quæ tellus, & quæ miracula ponti
 Salsa fluentisonis occulit unda vadis.
 Herbarum vires discam, succosque salubres :
 Rimabor ditis fulua metalla soli.
 Quæ coeant, vastaque iterum fornace liquecant;
 Artifici lympba; cur labefacta fluant
 Sulphura? foecundūque salem, roremque fugacem,
 Balsamaque, & flores nosse laboris erit.
 Vulcano monstrante viam, flammisque magistris,
 Experiar clausos rerum aperire sinus.
 Sic ego, sic doctæ traducam tempora vitæ;
 Si longæua mihi tempora fata dabunt.
 Hei mihi! quid cupidā mentem spes lætāt inanis;
 Nunciat extremos si mihi Parca dies?
 Angor iam multos obsessis faucibus annos;
 Mentis & interpret sanguine lingua tumet.

Ipsæ

*Ipse dolor prohibet dulcis commercia vitæ ,
 Elidens rauca , guttura , vocis iter .
 Huc ades ò multo tandem exoptata dolore
 Si qua daris nostris , ò medicina , malis !
 Huc venias miserata , tuos modulabor honores ,
 Quæ me natura , restituasque mihi .*





GABRIELI

CABRERAE.



*ETHERA Romuleum, ut
linquã, solemq; palustrem,
Atque intempesti noxia rura
soli.*

*Cabrera hortaris, cælum spon-
desque salubre,*

*Qua Zephyri nutrix intepet ora Ligus.
Testarisque viros, quos iam damnauerat Orco
Atropos horribili falce minata necem.*

Peo-

*Paonia fractos cura, morboque rebeli,
 Istic non longa conualuisse mora.
 Hæc mihi tabentis præbes solatia curæ;
 Artibus his miserum, dulcis amice, leuas.
 Desine, iam didici nullam sperare salutem;
 Spes mihi vicini funeris una salus.
 O ego ne tali torperent membra dolore,
 Quàm mallem aërio in monte rigere lapis!
 Stare flagellanti pinusue obnoxia Cauro,
 Aut rupes, vasti quam ferit ira maris.
 Fælicem Niobem, cuius per viscera sensum
 Obtundens fertur diriguisse silex.
 Vos quoque populeo flentes sub cortice fratrem
 Fælices Nymphæ, quas alit amne Padus.
 Ille ego sum, saxo qui non includor in ullo:
 Ille ego cui misero robora silua negat.
 Robora silua neget, ne fiam immobile saxum,
 At saltem in cineres ossa minuta ruant.
 Quid faciam patria demens tellure relicta?
 An puto mutatis posse valere locis?
 Mecum causa mali latet hoc in corpore pestis,
 Et nisi post lethum non abitura lues.
 Pectore transfosso Gortynia tela gerenti
 Quid ceruo prodest carpere prata fuga?*

G

Alci-

Alcide induto feralia munera nuptæ
 Nil varij cursus, profueruntque via.
 Sic mihi, sic auso Romana excedere sede
 Nil dulces iuuit deseruisse lares.
 Me modò conspexit piscosi littoris Antium;
 Me modò Circei culminis alta domus.
 Et Læstrygonios nutritrix Æneia fluctus
 Mirata est nostra dissiluisse rate.
 Non Caieta mihi, non Vrbs gratissima Caio,
 Aut dedit optatam filia Solis opem.
 Vos septem gemini colles, regnata Quirino
 Mœnia, Tarpeius tu Ioue dignus apex;
 Accipite hanc animam; sint hic mea funera posco,
 Et busta accumulet noster auita cinis.
 At quondam antiquos iuuit liquisse penates,
 Et noua per longas quærere fata vias.
 Ingenium scrobibus mutatis exiit arbor
 Syluestre, & decorat letior arua comis.
 Quamque sub umbrosa cernis languere parente
 Gaudet mutato laurea silua solo.
 Quid foret Æneas, quid clari nomen Iuli;
 Flumina apud Xanthi si gemuisset iners?
 Illum fumanti postquam discesserat urbe
 Per maria errantem septima uidit hyems.
 Tan-

*Tandem dotales Laurentum venit in agros,
 Gessit & Ausoniae sceptrum timenda manu.
 Batto Cyrenas, & Cadmo condere Thebas
 Iuppiter exilijs arua pesita dedit.
 Nilus & excipiens longis erroribus actam
 Donauit templis, Inachi, te profugam.
 Me quoque fata vocant alio meliora sub axe;
 Ibimus, ò Socij, me quoque fata vocant.
 Vertuntur species mentis, versante dolore,
 Mensque breui sensus accipit agra novos.
 Spes bona; si qua Dea es, virides hùc flecte volatus,
 Et desueta diu numine corda foue.
 Te colit agricola, expectat te compede victus,
 Votaque mortalis te duce turba facit.
 Tu quassas reficis puppes, ut nauita remis
 Naufragus impellat qua modò nauit aquam.
 Tu Dea post vacuas coelesti numine terras,
 Iustitiaque fugam sola moraris humi.
 Diua veni, facilemque mihi promitte quietem,
 Neue iterum morbi damna timere velis.
 Longum iter aggredior, date læti candida amici
 Omina; eat dextra libera puppis ani.
 Lunai ut videam portus, purique metalla
 Marmoris, & Geticas saxa imitata nives.*

Ingaunos, Macramque inter, Varumque repostos
 Appenninicolas, Tiguliosque sinus.
 Delphini portus, Seggestam, arcemque Monoeci,
 Scrutaborque tui, Rutuba, fontis aquas.
 Aspiciam Genuam, leti & pratoria ruris,
 Quæque decent Superos lucida templa suos.
 Hac T artessiacopallescunt littora fluctu;
 (Aurea nequicquam flumina iactet Iber)
 Peruicæque amnes alieni flumina mundi
 Transfuga ab Oceano rura per ista fluunt.
 Lydia Pactoli, Baccheia munera, arenas
 Victa sile, & ripas, aurifer Herme, tuas.
 Dure Ligur, meritoque animis elate superbis,
 Qua tibi diuitias sedulus arte paras?
 Non tibi sunt culti colles, non pingua rura;
 Sed claustra Alpinis non adeunda ingis.
 Difficilis natura negat segetesque, ferasque;
 Non negat audaci mente vigere viros.
 Hæc trahit ignotas pretiosa in fœdera gentes,
 Cæruleasque docet currere puppe vias.
 Deest hic terra viris, at non Neptunia desunt
 Arua petituræ lucra beata rati.
 Scit Cypros vallata mari; scit Taurica tellus;
 Et Ligure epotus milite scit Tanais.

Te-

*Testes Alpheæ Tyrreno in littore Pisæ ,
 Testis Cyrnæi prægravis ora sali .
 Ast ego non dites veniam spectator in oras ,
 Ut moveant auri lumina capta sitim .
 Non cernam attonitus fulgentia pondera massæ ,
 Quæ mittit terris Hispalis Ausonijs .
 Sat Fortuna dedit census sine fraude parati :
 Æstuat infelix, qui potiora cupit .
 Ingenium, Cabrera, tuum mihi carius auro ,
 Atque erit eloqui plurima vena Tagus .
 Quando erit, ut liceat tecum consumere soles ?
 Quando erit, ut docto pendulus ore fruam ?
 Vna aderit mecum Phocæo iunctus amore
 Ciampolus, ille tuæ cultor amicitiae .
 O qui complexus, quæ mutua gaudia nobis ,
 Et sermo in sicco littore qualis erit !
 Interdum celeri rapient nos effeda cursu ;
 Tres modò cantantes picta carina vehet ,
 Tunc mea se duplici iactabit Arione puppis ,
 Non Sicula puppis fallere docta fide .
 Cumque mihi geminos vates audire licebit ,
 Parnassi geminum me ad iuga sistet iter .
 Teque tenens dextra versus, Cabrera, canentem
 Hæc Clario dicam verba docente Deo .
 O quam*

O quàm felici modularis carmina cantu,
 Quàmque lyræ docto verbere fila moues!
 Otia quarenti fulsit tibi dexter Apollo,
 Atque omnes haustus ex Helicone dedit.
 Cui tantùm fauere Deæ? canit ecce cruentus
 Prælia Mæonides; sed caret ille lyra.
 Alcæus Reges cythara, non cantat amores:
 Est tantum Sapphus carmine dictus Amor.
 Pindarus Aoniæ celebris testudinis arte
 Abstinet hëroa concinere arma tuba.
 Et Veneris domina si lusit Teius ignes,
 Mimnermusque iocans; gaudia sola canunt.
 Omnia tu misces, & quæ diuersa placebant,
 Colligis, ò verè candide Cycne Ligur.
 Ausus es Ismeni primus recludere fontes;
 Lesbia nectareæ plectra ciere chelys.
 Qui Methymnæ tentasti fulmina linguæ,
 Et Cæi lacrymas, Stesichorique minas.
 Si Florentinam circumdas mœnibus urbem;
 Non Amphionios inuidet illa modos.
 Narseti Gothos cogis dare terga sequenti;
 Odrysiaque leuas obsidione Rhodon.
 Salue sancte senex, Bacchi, Phœbique sacerdos:
 Numinibus salue maxima cura nouem.

Per

*Per te Graiorum libris tumefacta superbit,
 Et certat Latij's Itala Musa choris.
 Sabbatæ gaudete arces, gratissima Cælo
 Mœnia, felici prole verenda virum.
 Et quamquam egregium terris aluistis Iulum,
 Indaque sunt vestra littora dona ratis;
 Ultima non vobis accedet gloria Vates,
 Ignea qui vestrum nomen ad astra tulit.
 Appulit ignotis oris si classe Columbus;
 Hunc ad Cælicolûm limina fama rapit.*





FVLVIO TESTIO.

Queritur, se loquendi vsum
morbo amisisse.



*O X animi interpres, fœcun-
da nuntia mentis,
Quo fugis? an semper labra
silere iubes?
Tu dulci oblectas mortalia pe-
tora cantu,*

Efferaque vnanimi fœdere corda ligas.

Tu

*Tu plectri, citharæque comes; tibi carmina cura,
 Quæque colit soccus, quæque cothurnus amat.
 Te stupet undantis moderantem fræna theatri
 Vulgus, & iratum sub tua iura venit:
 Pactæque sunt tenero per te commercia mundo,
 Cum poterat quernum nos aluisse nemus.
 Quò fugis, & nulla linquis te voce vocantem?
 Non voco, sed lacrimæ pondera vocis habent.
 Inter anhelantis suspiria pectoris, ægros
 Heu quos elicio rauca per ora sonos!
 Edere luctamur sterili reuoluta palato;
 Sed singultanti murmure verba cadunt.
 Non secus optato per credita membra sopori,
 Cum serpit dulcis nocte fauente quies.
 Velle loqui, & vanis conatibus ora videmur
 Soluere; sed solito lingua vigore caret.
 Sæpè meas odi voces, sonitumque tremisco,
 Cogor & ipse meis auribus esse grauis.
 Mugitus timuisse suos sic creditur Io,
 Turpia dum mærens induit ora bouis.
 O quoties conata queri tibi inutilis hæsit
 Lingua, nec humanos reddidit ore modos!
 Inachidas quoties auxisti fletibus undas
 Ingrati plorans impia furtâ Iouis!*

H

Fron.

Frondibus hirsutis & amara carice pastas
 Pocula limosis stagna fuere vadis.
 Sapius exhibuit decerptas Inachus herbas;
 Ast illa est patrias lambere visa manus.
 Falices quoscumque malis Fortuna lacepsit,
 Nec sua per fletus damna referre vetat!
 O fortunati vos prata per Asia Cycni,
 Dulcius extremo queis datur ore queri.
 Condita silvarum latebris felicior Echo,
 Cuius post cineres vox rediuvina viget.
 Me dolor assiduus vicino funere terret,
 Nec patet ad questus libera facta via.
 Testari fremitu docuit natura dolores:
 Solari curas hac iubet arte graues.
 Audi, mugitu quo verberet aëra taurus
 Ictus, ubi tepidam sanguine tingit humum.
 Quin leo per Nomadum silvas fremit ore cruento,
 Si fodit Libyci militis hasta laeus.
 Et gemitu tigris montes, salusque fatigat,
 Ventris cui rapuit pignora Parthus eques.
 Atque ubi captiuis venere in retia pennis,
 Emittunt querulo gutture murmur aues.
 Nec tantum exclamant viventi prædita sensu;
 Sed viduata anima corpora pulsa fremunt.
 Dant

*Dant percussa sonum vibrata ligna securi:
 Stridet dum cuneis fissile robur hiat.
 Et stipulae crepitant campis, si incendia regnant,
 Obstreperit & rapidis laurus adusta focis.
 Aspice, quo sonitu feruentia littora plangant,
 Spiritus Eurorum cum ferus urget aquas.
 Septaque nimborum rutilus si diuidit ignis,
 Murmure terrifico nubila fracta tonant.
 Omnia muta sonos edunt, solique negauit
 Sors mihi communi munere posse frui.
 Me miserum! quantus de vertice profluit humor!
 In fauces quanto gurgite lingua madet!
 Spiramenta animae nimium turgentia torpent,
 Sermonique fluens obstruit humor iter.
 Haud aliter citharæ languent, neruique loquaces,
 Cogit ubi pluuias Auster opacus aquas.
 Cordis anhelanti reboant penetralia tussi,
 Pectoris & crates dissiluisse timent.
 Quid me adeò spirare vetas, sæuissima tabes?
 Cur feruens animæ claustra repulsa quatis?
 Hei mihi! dum scribo, morbi solatia, versus,
 Quàm valido thorax impete concutitur!
 Mitius incudem Cyclopum brachia tundunt,
 Quà vomit è scopulis Sicelis Ætna faces.*

*Mitius aduersas miles ferit ariete turres,
 Et graue balista moenia quassat onus.
 Opprimet hanc animam rabidi violentia morbi:
 O' utinam Dii me falsa timere velint!
 Non lethum timeo; genus hoc sed lugubre lethi;
 Et doleo taciti tædia ferre mali.
 Odrysia raptor postquam tibi forcipe linguam
 Abstulit, & stabulis, ò Philomela, lates;
 Sæpè optasse mori, palmasque ad sydera tendens
 Diceris id summos sæpè rogasse Deos.
 Ah virgo infelix, pellex incastra sororis!
 O nimium seuo credita forma viro!
 Hæccine, crudelis, pro virginitate reponis
 Erepta, tragici præmia concubitus?
 Tempus erit, Tereu, cum te peccasse pigebit,
 Oderis & seuæ gaudia rapta manu.
 Indicium sceleris, tua crimina, tela fatetur:
 Ingenium miseris suggerit arte dolor.
 En gestit patrijs epulandum apponere mensis
 Infontem furijs percita mater Ilym.
 Tu nati condes viuenti viscera busto;
 Mox tua per siluas fata dolebis Epops.
 Exultat cædes inter Philomela, parenti
 Ostentans nati sanguinolenta caput.*

Eua-

*Euaſti tandem furias, gladiumque Tyranni:
 Vidisti pluma præpete membra tegi.
 At nunc per lucos iniuſta ſilentia linguæ
 Quæſtibus argutis blanda rependit auis.
 Quos nunc ore modos nemoris dulciſſima Siren
 Concinit exiguo in gutture? quale melos?
 Interdum voces per roſtra loquacia torquet;
 Sibila nunc cæſa garrulitate rotat.
 Et modo criſpanti modulatu turbinat ictuſ;
 Secum viſa loqui nunc taciturna gemit.
 Perſonat omne nemus, per frondea tecta querelas
 Mirantur Nymphæ, Capripedesque Dei.
 Non mea me poſt fata manet facundia linguæ;
 Non iterum dolci garrulus ore fruar.
 Proh citharæ cuſtos, & carminis auctor Apollo:
 Proh mea Pierides numina ſacra Deæ!
 Reddite poſcentis ſælicia murmura labris,
 Demite, quæ cogunt ora ſilere moras.
 Vos regitis cantus, vos torrens copia ſandi,
 Et celebrata iuuant libera verba choris.
 Quid faciam, ſurdas præbet ſi Delius aures;
 Nec mea Caſtalia labra leuantur ope?
 Carmina iam valeant Muſa meditata ſiniſtra;
 Cum Domino valeat iuſſa tacere chelys.*

Au-

Ausonij Vates, & concita pectora thyrso;
Ausonij, lycio nomina grata Deo;
Ausonij nostras soliti laudare Camænas
Desinite ad cantus turba venire meos.
Tu verò ante alios frustra mea carmina queras,
O FVLVI, Mutinæ gloria magna tuæ.
Tibia te, cantusque decent: mihi plectra tacenti
Hic paries, mutam sustineatque lyram.
Non tibi sunt tristes curæ, lætusque iuuentæ
Purpureæ vernas stat vigor ante genas.
Et tibi nascenti incundo lumine Phœbus
Annuït, & flauis Calliopea comis.
Felix, seu dulces molli fide flebis amores,
Seu grauis heroas flumine fundis opes.
Tu tunc festiuus periuria ludis amantum,
Et iacta ad surdas ebria verba fores.
Tu centum ludos, & dulcia prælia misces,
Hausaque de mensis libera vina refers;
Vtque ferens hyemes, ventosæque iurgia cœli
In nuda recubet durus amator humo.
Auguror: hoc miseros cantu solabitur ignes
Expectans lentum mæsta puella virum;
Inueniensque suas referentia carmina flammæ
Immoritura labris oscula longa dabit.

Huc

*Huc varios flores, huc blandi veris honores
 Ferte citi Iuvenes, Italidesque nurus.
 Blanditi vestro date florea sarta Poëte:
 Cingite ridenti tempora docta rosa.
 At Venus Idalio plaudens te cernet ab axe,
 Ambrosioque tuum rore rigabit opus.*



Reli-



Relicta Urbē cupit Rus
secedere .



EGERIÆ valles, mitique
habitata Diana
Pura Thoantæ nescia silva
sacri;
Vosq; lacus Trivia dices Ne-
morensibus undis;

Æneadum sedes, Lauiniumque meum;
Confectum curis, & longa tabe dolorum
Accipite, & patrijs sistite me laribus .

Irri-

Irrita Pæonia post tentamenta medelæ
 Huc libet agrotos nunc mihi ferre pedes.
 Romulæ valeant arces, medicique valete,
 Quorum sæpè malo sedula cura fauet.
 Desinite herbarum tandem, tristisque veneni
 Ferte procul dura pocula tincta manu.
 Me nemora, & saltus camporū, auraque patentes,
 Et trepidans riuo garrula lympa manent.
 Prata mouent animum viridantia gramine leto,
 Et qui persultant pingua rura greges.
 O mihi sola quies, colles saluete latini!
 Saluete, ò fratris Regna vetusta mei.
 Sternite iter, gradimur dum vestra per otia dia,
 Mollius, atque auibus dulcius arua sonent.
 Quàm iuuat annosos luci penetrare recessus,
 Notaque ab historijs hæc celebrare loca!
 Hæc tophis laqueata cauis, & pumice uiuo
 Antra pius fertur iam coluisse Numa.
 Collis Aricini cultrix pulcherrima Nympha
 Consilium huic olim, coniugiumque fuit.
 Hæc Duce Pompilius bellantem terruit Urbem:
 Hinc habuit patrios rustica turba Deos.
 Martis opus, pilis gaudebat Roma cruentis
 Romula crispabat bellicus arma furor.

Et fuerant *saenas* *Mauortia* pectora in iras
 Prona nimis, solas tunc meditata neces.
 Mollit hæc aris regnans, lucisque sacra
 Religio, ut possent legibus arma regi.
 Hinc vitæ, hinc fruges, hinc maxima victima taurus;
 Farraque thuricremis vinaque sparsa focis.
 Tandem, sanguinea discors quæ cæde fremebat,
 Palluit in patrijs pendula Roma sacris.
 Nescia mens hominum: quæ te ludibria versant?
 Quid nos terrifica fabula fraude ligat?
 Quem non vera tenent, mendacia ficta coercant;
 Et simulacra timet, quæ sibi quisque parit.
 Per pecudum fibras, præsagi & fulminis ictus,
 Heu miseri! surdos consulere Deos.
 Nuntia velocis seruabant omina pennæ,
 Cantibus & scænis quid docuisset avis.
 Templorum ambiguo monitu, dubiaque Sybillæ
 Carmine credebant fata furente cani.
 Dicite, si Diui nolunt ventura latere;
 Non intellecti cur voluere loqui?
 Falsa tamen Regis potuerunt dicta Sabini
 Romulidum ingenium perdomuisse ferocem.
 Nullaque dein fertur Romana sanctius unquam
 Numinibus supplex gens operata suis.

Ve-

*Vester honos, Latij; vestra est ea gloria silua:
 Horruit hoc victrix credula Roma nemus.
 Has etiam Hippolytum fama est latuisse per oras,
 Cui neuit duplici stamina Parca colu.
 Ille, nouercales rigidus cum sperneret ignes,
 Sancta timens patrij soluere iura tori;
 Iniusta æternum dolituro victima patri
 Occidit attonitis dilaceratus equis.
 Ossa Corinthiacos iacuerunt sparsa per agros:
 Innocuo rubuit sanguine utrumque mare:
 At non hoc meriti funus miserata Diana,
 Cui curæ intactæ est virginitatis amor.
 Arte Coronidæ Iuuenem reuocauit ab Orco
 Siccantem infernis vulnera dira vadis.
 Reddidit illa decus formæ felicibus herbis,
 Luminibus geminas restituitque faces.
 Quis mihi querenti, quis nunc ea gramina monstrat?
 O utinam in vestris collibus ista legam!
 Germina, quæ reserent adamantina limina Ditis,
 Non posco, aut mortis vincere regna paro;
 Gutturis obsessi longos sedare dolores
 Sat quacumque mihi blanda medela potest.
 Adsis Phœbigena: hæc facilis labor ora mederi,
 Ne te fulminei terreat ignis Aui.*

Servat fida tui Vates tutela parentis:

Tu quoque iam Vates officiosus ama.

Huc medicas adhibeto manus, tetrumque cruorem

Aufer, quo fauces, scabraque lingua iunet.

Spiramenta animæ, vocis liquidissima plectra

En aperi, & septas tu mihi pande vias.

Latitia, plausuque fremens tunc carmina dicam,

Cùm lingua potero liberiore frui.

Nil pulsare placet viduas sine carmine chordas:

Vox miscet citharæ non benè rauca sonos.

Quid queror infelix? quæ mentem insania ludit?

En rursus medicæ poscimus artis opem.

In malè tentatos iterum cur mittitur usus?

Ab pereant, succos, gramina quique colunt!

Nulla venenorum sitis est: discedite tristes

Curarum stimuli, diffugite ex animo.

Fallere sapè iuvat, sed non memorare labores,

Ægraque mens ægri corporis auget onus.

Quin potius læti patria succedimus arei,

Quà iuga celsa tuum, Cynthia, nomen habent?

Hæc mecum ascensu dulces superetis amici;

Ante alios nobis, Ciampole, doctè faue.

Pone graues Musas, vigilataque mente profunda

Itala Pindaricis carmina texta modis.

Tu

Tuque ades, ò cantu gaudens, fidibusque, *Canali*
Franciscæ, æternæ cultor amicitie;
Grande Sabinorum columnen, fontisque *Velini*;
 Huc age cum plectro, carminibusque *veni*.
 Neue hic potandi certamen mite recuses:
 Respicit hos toto numine *Bacchus* agros.
Pocula Romanis sunt hæc gratissima cænis:
Albani assurgunt vitibus hisce *cadi*.
Nequicquam his certent pralis elisa *Faliscis*,
Tuscaque quæ viridi nectare musta nitent.
Illaudata fluent firmissima vina *Falerni*;
Seu Sinuessæ dabit, seu *Trifolinus* ager.
Palmite sulphurei cedant lacrymata *Vesuvii*,
Atque Syracusij feruidiora *lacus*.
Hæc generosa recens odit doctrina *palati*,
 Quæ possunt trepidos implicuisse *pedes*.
Ridentur veterum fumi, servataque *cellis*.
Testa diu, & lenta *dolia* tincta *pice*.
Quare agite, ò *leti*, *vernarum* turba, *ministri*,
 Dulcia non parca fundite vina *manu*.
 O quàm iucundo violas imitantur *odore*!
 Quàm vincunt flauo lumine *chrysolitos*!
Naribus ista placent; oculis *spectacula* præbent;
 Et dant arenti gaudia grata *gulæ*.

Ciam-

Ciampole quid cessas pateram committere venis?

Proposuit siccis omnia dura Deus.

Hæc mihi lux atros pellet de corpore morbos:

Largius ò cyatho, tu puer, adde merum.

Pura fauent nobis Aquilonis flamina clari:

Pernellunt linguam pocula acuta gelu.

Me quoque me vultis Lenæo tingere, amici,

Non nego: nostra capax proluat ora calix.

Maphai nomen sed quisque ad pocula festa

Dicat io! & mensis hunc adhibite Deum.

Quamvis Socratica pectus ditauerit arte,

Purpureosque inter splendeat ille Patres;

Non hæc despiciet liberrima vota precantum;

Quæ fundit multo mens reſerata mero.

Adſis Bacche tuis hilarans conuiuia donis;

Fefſi pax animi, lætitiæque dator.

Sic teneræ viduas vites ducantur ad ulmos;

Sic autumnali turgeat vva ſinu.

Sic non vrantur torrenti ſole racemi;

Det pœnam admorſa ſic tibi ſtirpe caper.

Et tua ſectentur veſtigia marcida ſemper

Capripedes Panes, Baſaridumque cohors.

Adſis; virgineosque fauens hîc exere vultus,

Quaſſans pampineo vertice caſariem.

Qua-

Quæcumque ingrederis dulcis comitatur euntem.

Te Furor, & Somnus languidiore gradu.

Me miserum ! accipio nullos heu pectore somnos !

Longa mihi gemitu nox vigilanda venit.

Quòd si, Bacche, tui per feruida munera, nobis

Clauserit optatus lumina fessa sopor;

Dicam ego Threiciæ crudelia fata Lycurgi;

Squamigeros nautas ; pampineamque ratem :

Littora Pæoli fuluis radiantia venis,

Diuitias miseras, impia vota Mide.

Auroramque triumphatam, Parthosque subactos ;

Medica Thyrsigeris agmina fusa choris.

Tigridis exuvias, maculosaque tergora lyncum;

Oedipodionij membra cruenta Ducis :

Bacciferos hedera semper viridantis honores ;

Lapsaque de quercu splendida mella canam.

Tu puer æternus, Bromius, Nysæus, & Euan,

Bis genitus, thyrsu tu metuende gravi.

Aera tibi Satyri, lasciuæque tympana pulsant ;

Siridet & attritis Faunus arundinibus.

Per te Gnossiacis nox aurea fulgurat astris:

Vipera plaudenti sibilat ore tibi.

Ipse, Gigantæo fremeret cum Terra tumultu,

Rhoetum strauisti dente leonis humi.

Hæc

*Hæc ego non humili meditabor carmina cantu:
Sollicitum somno tu modò vince caput.*



CIN..



CINTHIO CLÉMENTIO

ARCHIATRO ROMANO

Cum vocis vsum recuperasset.



*ICAMVS bona verba: ani-
mum iam verba sequuntur:*

*Cur taceam surdam flebilis
ante lyram?*

*En libet; en dulces imo de pe-
ctore cantus*

Fundere: non renuunt ora reclusa loqui.

K

Vox

*Vox mihi muta diu, vox longi causa doloris,
 Venisti tandem, vox mihi muta diu.
 O & singultu, o & quæsitæ querelis!
 Nunc te felici garrulus ore fruor.
 Fallor? an has simulanti ludentia somnia voces,
 Quæque cupit vigilans, mens mihi nocte parit?
 Sed fruor, & liber voces linguamque resoluo,
 Attonitus monstiris dum rata vota nego.
 Ite procul quæstus: comptis hic Musa capillis
 Adsit, & in niueis læta triumphet equis.
 Nunc tempus faustis pulsare Heliconæ Camœnis:
 Nunc redimire nouo tempora flore iuuat.
 At te, magne, canam Clario dilectæ Magistro
 Cynthiæ, Phœbæo nomine, & arte potens.
 Cum tua vel mutis donent miracula vocem,
 Vocalis citharæ præmia grata feres.
 Per te hausi cœlum moriens, mentemque recepi,
 Pectoris arcta patet, te reſerante, via.
 Ergo Caſtaliꝝ quodcumque è pectore riui
 Fluxerit, in laudes effluet omne tuas.
 Si mihi Pæonijs impleſti pharmaca succis;
 Mella miniſtrauit ſi miſerata manus;
 Nos tibi Muſæo flauentia pocula melle,
 Et Charitum puro pingui lacte damus:*

Hæc

*Hæc bibe, qua nentum Parcarum fila morantur,
 Pocula lethæo non temeranda lacu.
 Tu domitor Fati Pataræa nobilis arte,
 Eripis è structo funera mæsta rogo.
 Tuque potestates herbarum, tuque metalla
 Chymica, tu miris pharmaca coëta focis
 Nouisti, priscis quæ quamquam ignota magistris
 Mortem expectantum corpora fessa leuant.
 Cum mihi tabentes macies exederat artus,
 Cumque ferè tenui corpore nullus eram;
 Iam tum spondebas dulcis mihi lumina vitæ;
 Gutturè ab obfesso libera verba fore.
 Nec mora: sulphureis medicatas viribus offas
 Artifici nobis sedulus igne paras.
 Ha mihi mandenti latebras pulmonis anheli,
 Fouere, & lenta tabida membra lue.
 Hinc validi ardentis flores rediere iuuenta;
 Squalidaque afflauit pristinus ora color.
 Sulphura, caruleis fulgentia sulphura flammis,
 Quando ego vos merito laudis honore canam?
 Vos tonitru terras, cælum vos omne cietis,
 Fulminibusque Iouis semina magna datis,
 Cum Pater ingenti combusta Ceraunia telo
 Deijcit, & fracto culmine vertit Athon.*

Per vos exundant inimicis ignibus arces,
 Terrifico sonitu martiaque æra tonant.
 Balnea quæque fluunt tristes pellentia morbos
 Gignitis; hic vestro truditur igne lapis.
 Intepet inde Aponus, medicisque salutifer undis
 Stagna Dicarchæus feruida sudat ager.
 Quin etiam vester magnæ per viscera matris
 Spiritus ignescens cruda metalla coquit.
 Fulgurat hinc aurum, atque argenti flumina viui,
 Vulnificusque chalybs irriguo amne riget.
 Quid maiora sequar? vos & primordia rebus
 Acri sufficitis sulphura mixta sali.
 Quique fluit voluens tenuis se fluctus odorum,
 Perpetuas vestro sumit ab igne dapes.
 Quid memorẽ, Enceladi viuax post fulmina corpus
 Ardua sulphureis ut premat Ætna iugis?
 Et Iouis Inarime iussis imposta Typhæo
 Quanta rotet scopulis sulphura glauca cauis?
 Sulphur ouans pœnas fracta de gente Gigantum
 Sumpsit, & hoc Cœlum vindice regna tenet.
 Nec non lustrali purgari sulphure fontes
 Religio antiquis credita fertur auis.
 Actoridem, Peleu, sic Pelea soluis, Acaste,
 Amphiaræidis sic, Acheloe, nefas.

Sic

Sic ego, sic puro lustratus pectore tandem
 Carmina leuitia fausta docente cano.
 Adsitis Musæ medicinae talis, & artis,
 Vosque repertori mollia ferta date.
 Ah! gemat antiquis si quis tantum adstupet annis,
 Spernit & ætatis diu reperta nouæ.
 Omnia non potuit prudens reperire vetustas,
 Atque alia ex alijs extudit arte dies.
 Phœbigena cœptis potuit præcepta Melampus
 Addere, Phylliridis multaue cura dedit.
 Vlceribus tetræ natiui graminis herba,
 Vulneribusque canis prima medela fuit.
 Mox & morborum tristes extinguere pestes
 Inuentum est ausis, inclyte Coe, tuis.
 Non adeò effoeta est hominum experientia solers,
 Vt noua non possit cudere sæpe labor.
 Ni noua tentasset Tyrrhena per æquora Amalphis,
 Magnetum haud regeret nautica vela lapis.
 Huius at auxilijs olim cantata Poetis
 Ridetur veterum gloria parta mari.
 Arctos nunc propior nobis, nec iam ultima Thule est:
 Iam facilis lustrat nauita Solis iter.
 Extra hominum, famaue vias tentare reposita
 Ausus es audaci littora puppe, Ligur.

Gar-

Garrula cede nouis tua sydera puppibus, Argo,
 Neu Regum iactes ad tua transtra manus.
 Tristia iunguntur veteris diuortia mundi,
 Naturæque patent, quæ latuere sacra.
 Nascentem populis licuit te, Nile, videre,
 Et scit cui tantas debeat orbis aquas.
 Nouimus, æstiuæ fecunda licentia lymphæ
 Solstitijs hyemes cur ferat amne suas:
 Zona rubens nimis non torreat æstibus Indos.
 Illic perpetuò rore virescit humus.
 Non Eous ager pluuiæ supplicet undæ.
 Indica continuis imbribus arua madent.
 Hæc Zephyri alarum plausu loca feruida mulcent,
 Mitis ubi halantes Euræus alit segetes.
 Taprobane testis, testes freta sparsa Moluccis,
 Ora Helenæ insignis nomine testis erit.
 Aruaque, quæ Ganges aurata pinguis arena
 Egerit in dominum fulua tributa mare.
 Quid, quod & Arctoi laxantur claustra profundi,
 Quæ fluctu, & ventis æquora dura carent?
 Dilectæ Tethidi Belgarum stantia naues
 Marmora sulcarunt non adenda rate.
 Illic, ut perhibent torpescit frigore pontus,
 Atque intempestus stat sine luce dies.

Hic

Hic rerum finis, Chaos hic, atque ultima mundi

Natura hoc tristi limite fessa riget.

Vela Bataua sequi haud potuit Phœbeia lampas.

Omnia cæca illic: omnia triste silent.

Informes phocas incano corpore turpes

Videre, atque ursos, quos alit Vrsa gelu.

Quam sæpè optarunt ventorum prælia nautæ,

Perque procellosum pandere vela fretum,

Excuterent tandem sese ut torpentibus undis?

Edocet ire recens in noua vota timor.

Indomito tandem regnans in pectore virtus

Vicit concretæ sua pericla sali.

Ite, animæ egregiæ, fortunatæque laborum,

Ite in fata alacres, quò noua fama vocat.

Ite citæ, et vestras meditando exponite vires,

Quà veterum nullo semita trita pede est.

Gloria multa manet. Quis te Galilæe silebit?

Longa tibi in chartis regna futura cano.

Non tantum radio veterum describere cælum,

Sed vitro es superas ausus inire domos;

Perque nouas artes tradis noua sydera mundo,

Non Ptolemææis sydera nota libris.

Pleiadūque, Hyadumq; choros sine nube videmus,

Et tua per cælum splendida damna, Venus.

Vidi.


*Vidimus, ignoto quondam quæ lacte nitebat,
 Stellarum spissa luce coire viam.
 Admouisti oculis nostros fugientia visus
 Per varios obitus astra secuta Iouem.
 Medicea Heroum soboles, cape leta triumphum:
 Astris insereris, concilioque Iouis.
 Ipse etiam nigra tinctum ferrugine Solem
 Pallentes maculis iungere vidit equos.
 Quid triplex sydus Saturni, aut, Cynthia, vultus
 Fabor scruposa nocte laterè tuos?
 Hac priscis ignota olim, prudentia maior
 Repperit auspicij's artis, opisque nouæ.
 Ite citæ, & vestras meditando expromite vires,
 Ite animæ egregiæ, quæ via nulla patet.
 At tu Musa procax, elegi tenuesque valete:
 Non hæc sunt gracili facta canenda lyra.*



Ad



Ad Ioannem Ciampolum, mor-
bo recrudescente.



*RGO hos assidue gemitus
in pectore voluam?
Perpetuo lacrimæ nostra per
ora fluent?
Et roseo Phœbus me deceden-
te videbit*

*Lumine moerentem, me veniente die?
Flebitus heu miseri! lætus solatia damni
Exigua ingentis postulat ipse dolor.*

L

Ille

*Ille Philocteten docuit per Lemnia saxa
 Vocibus horrifonis vulnera dira queri.
 Halcyones Ceyca gemunt, & barbara Regis
 Daulias Odrysiæ crimina cantat auis.
 Sic ego, sic mea damna querar crudelia semper
 Lugubri cithara, flebilibusque modis.
 Atque utinam in gemitus nunc libera verba darentur!
 Sed mihi posse queri sors inimica negat.
 Singultantem animam turgentes sanguine fauces
 Elidunt: voces aspera lingua premit.
 Iam quater ardentem sitienti Syrius astro
 Vssit humum; toties frigore læsit hyems;
 Nec venit ulla potens longo medicina dolori,
 Nec mea Pæonia membra leuantur ope.
 Ipse meum specto moriens miserabile funus,
 Paulatimque anima deficiente cado.
 Horrida languentes macies depascitur artus:
 Lutea pallescens inficit ora color.
 Cogimur & longam moriendo discere mortem,
 Dum præfaga mali mens sibi fata canit.
 Felices, inopina dies quos funere mergit,
 Occupat & celeri mors properata nece!
 Heu quoties morimur, dum proxima fata timemus!
 Hac peius letho nam mora mortis obest.*

Haud

*Haud aliter Lapithas, mœstumque Ixiona terret
 ... Iam iam lapsuro pondere prona silex.
 Credite, deficio: iam pellis dura resistit
 Tractanti, & tristi viscera tabe fluunt.
 Sic cera admotis tabescit Hymettia flammis;
 Sic tepidis Austris cocta pruina madet.
 Languent sic, urens oculus quos fascinat, agni;
 Sic tenera à Scythico læditur herba gelu.
 Nec tantum doleo compressis faucibus æger;
 Plurima quassato corpore damna fero.
 Ipsam animi sedem, regnantem corporis arcem
 Nunc caput ignauo possidet igne vapor;
 Nunc acres stomacho rabida cum bile tumultus
 Feruent, & sæuo pondere discruciant.
 Lassum percurrunt ululantia murmura ventrem,
 Humida nec membris dant alimenta dapes.
 Vino equidem parcè, sed mox ieiunia corpus
 Attenuant: epulis abstinuisse graue est;
 Intolerabilibusque malis comes addita cura
 Mollem animum aternis pascitur ulceribus.
 Hanc peperit morbus, morbusque augetur ab illa;
 Hæc me tristitiæ lurida felle rigat.
 Hinc sæpe extimui grauiora pericula veris,
 Et sensi falsa suspitione trahi.*

Hinc animi victus damno quemcumque calorem,
 Quodcumque & frigus pallida membra quatit.
 Compositæ currant num vita ad munia venæ
 Exploro, & trepidans incaluisse puto:
 Seu quatiore tussi, fibras pulmonis anhelæ
 Exesas carie suspicior esse truci.
 Conueniunt crebrò nos, ut solentur, amici:
 Spem vultu simulant, tristitiamque tegunt.
 Ah genio indulge; curas depelle malignas;
 Calmant: tu morbo Virgini amate faues.
 Ecquis erit finis lacrymis? lugubria mitte;
 Eia age linguantur mollia fulcra tori.
 Te siluæ, te rura vocant; age rura petamus,
 Quà diffusa nitet mitior aura poli.
 Aucupio siluas, siluas venatibus aptas,
 Flumina, piscosos aspiciesque lacus:
 Hinc canibus lepores, canibus sectabere ceruos;
 Latratuque feras retia ad alta premes.
 Scilicet è stratis tollam miserabile corpus;
 Committam Alpinis squalida crura iugis?
 Fortia non nostræ sunt hac ad munera vires:
 Hi mihi sunt colles, hi mea regna, tori.
 Officium bona verba pium, sed inulile tentant:
 Desinite, assiduis non saturor lacrimis.

Quid

Quid quod me coeli ledit spirabile lumen,
 Quo regimur, quævis mobilis aura nocet?
 Lethiferi calidis spirant seu flatibus Austri;
 Siue agitata truci silua Aquilone fremit;
 Exuperior proprias hyemes, pluuiasque rigentes,
 Exundans cerebro quas pituita parit:
 Sibila perque aures imitata tonitrua surdas
 Voluuntur, miserum concutiuntque caput:
 Per madida ora liquor turgens me flumine largo
 Proluit, ampullis feruida sputa tument.
 Non secus ardenti si fortè inclusus aheno
 Ebullit multo feruidus igne latex;
 Ipse furit, niteamque fremens eructat aquæ vim,
 Sparsaque anhelanti gurgite flamma madet.
 Miror inexhausto tribuat quis pabula fonti;
 Qui tantus fluitet sicca per ossa liquor?
 Mirantur medici, & sortem miserantur iniquam;
 Mille adhibent doctis pocula mixta modis.
 Lacte arcere iubent inclusos faucibus ignes,
 Hordea dant, seris quæ maduere focis.
 Sanguine tentarunt salientem incidere linguam:
 Infecit tepidus brachia secta cruor.
 Poma coronato radiantia Punica crine
 Languenti succos exhibuere suos.

Et

Et quo mala fluunt emuncta Cydonia muco,
 Quo passæ ficus, perlita sæpè gula est.
 Sæpè bibi vrentes meditans auertere flammæ
 Pocula pallenti cortice tincta nucis.
 Et modò siluarum folijs decussa Calabris
 Mella ministrarunt, helleborosque graues.
 Aggressique rosis sunt admiscere sapes,
 Quos mittit diues Trinacris Hybla fauis.
 Fasciolas tenues, agrum focalia collum,
 Et nidum pulsus gessit hirundinibus.
 Quid referam quoties suffitu pectus odoro
 Lustravi, & fumis, thurifer Inde, tuis?
 Et quoties, siccum possem ut distendere corpus,
 Æstiu membris intepuere lacus?
 Victum infelicem cochlea, cancrique dedere,
 Et testiduneo squallida iura gelu.
 Quin sunt conati stomachum fulcire ruentem
 Arboribus gummi quod gemit Arabia.
 Balsama miscuerunt diti Gangetide merce,
 Et quæ vicino cinnama sole rubent.
 Sinarum extremo diuulsa ab littore radix
 Venerat, & nulla me quoque iuuat ope.
 Aude animis tibi certa salus promissa medentum:
 Dicebant; nunquam venit amica salus.

Ob.

Obstitit auxilijs viuax in fomite labes
 Artis, & irrisit vana magisteria.
 Non hoc Phillyridis, non hoc laudata Melampi
 Cura Amythaonij pelleret arte malum.
 Tunderet in morbos Epidauria gramina frustra
 Inclyta Phœbigenæ nos miserata manus.
 Non gemitus superi nostros audire perennes,
 Adiuncta quamuis sustinuerè prece.
 Parce pium Numen, cœli quo templa reguntur,
 Cuius & imperium sydera fulua timent.
 Si non sacrilegæ mens est sibi conscia culpæ,
 Redditus est templis si tibi semper honos;
 Parce precor, vel saltem aliquam de fulmine partem
 Deme meo; seu proijce tela manu.
 Nunc & amara dies, & noctis tristior umbra est:
 Quàm mallem æterno diriguisse gelu!
 Ipsa quies rerum Somnus, Deus utilis ægris,
 Me fugit, & lacrimis lumina fessa patent.
 Versamur stratis, & nox est annua nobis:
 Tarda nimis querimur sydera Luciferi.
 Quod si conciliant depasta papauera somnum,
 Me miserum hic quantis terret imaginibus!
 Occurrunt menti simulacra carentia vita,
 Visaque sunt tenui dicere voce, veni.

Ora

Ora virum maiora viris pallentia vultu
 Exangui illudunt, discutiturque sopor.
 Tunc iterum ad gemitus eadem nos horrida morbi
 Damna vocant, nec iam falsa timere iubent.
 Lenta tenent animum fastidia; nulla voluptas
 Flectit; non Bacchus, non iuuat alma Ceres.
 Squallent impexi rigida ceruice capilli:
 Vestis inornatos defluit ante sinus.
 Non Urbis, non ruris opes, aurique talenta,
 Eoque placent delitiæ lapidum.
 Ingratus mihi Sol, ingrata Aurora rubescit:
 Oblectant pectus tempora nulla meum.
 Aspice, iam Zephyri florens genitalibus auris
 Felices foetus parturit almus ager.
 Perstrepat omne nemus cantu, virgula susurrant:
 Liquitur è summis tabida bruma iugis.
 In tepidos soles se roscida gramina credunt:
 Florea de verna pullulat arbor humo.
 Sed mihi nequicquam fulgent Nepheleidos Helles
 Sydera, ridentis gaudia summa poli.
 Semper hyems nobis: sanguis si vere tepenti
 Æstuat, infelix in sua damna furit:
 Acrius & morbo fauces tentantur acuto;
 Nam claudit feruens arctius ora cruer.
 Non

Non rauca fontis scatebræ per saxa cientis
 Murmura, non possunt prata mouere animum.
 Atque greges, atque arua nocent, atque ardua silua;
 Non læti colles, pascua nulla iuuant.
 Et doleo, pingui pastos seu gramine vidi
 Mollibus in pratis luxuriare greges.
 Siue quis ediderat pastoria sibila canna,
 Odi signa bonæ sibila letitiæ.
 Et dulces auium per frondea tecta Camcena
 Heu visa tantum sunt mea fata queri;
 Seu viridi taurus proiectus mugijt herba,
 Dixi: mugitu me vocat ad gemitus.
 Frumenta aspexi verno turgentia lacte;
 Arens tunc subiit, quæ premat ossa, cutis.
 Omnia læta mihi sunt instrumenta doloris,
 Materiamque mali mens sibi dura parit.
 Et meditor: tellus non hæc mihi verna colores
 Submittit; rident prata benigna alijs.
 Vos legite vngue rosas, Tyrio queis fulgurat ostro
 Quæ flagrat niveis gratia mixta genis.
 Vos decet iste color, vobis sint lilia curæ:
 Pratorum nitidum vos manet omne decus.
 Ipse legam flores veterum monimenta dolorum,
 Et ferrugeneis te, Hyacinthe, comis,

M

Pal-

*Pallentes carpam violas, mœstaque cupressu,
 Quæ laurum optarant, tempora victa geram.
 Impulerat nostras sonitus si gurgitis aures,
 Purior electro fons ubi voluit aquas;
 Conspiciens dixi: non hæc mihi frigida currit
 Sedatura gravem flumine lympa sitim.
 Ora quidem sitiunt, quæ nunc incendia pascunt,
 Non pandit latici sed gula pressa viam.
 O' nimium, nimiumque fugacis dona iuventæ!
 O' quàm veloci laberis acta pede!
 Tardius è Scythico cornu decussa sagitta
 Aëra per liquidum cuspide scindit iter.
 I nunc ingentes laudato in corpore vires,
 Atque lacertosos firma per ossa toros:
 Aut illas ætas annorum pondere frangit;
 Morborum aut ictu fortia membra cadunt.
 Quique color malis Pæstana rosaria misceat,
 Et quod nativum lilia vincit ebur,
 Marcescunt subito, ceu cum labefacta caducum
 Sole gravi curvant alba ligustra caput.
 Olim qualis eram (nunc me mea fallit imago,
 Si iam præteritos mente reuolo dies)
 Cum dives gregibus, memini, me Parma tenebat!
 Nam puerum celsò nutrit illa lare.*

Quod

Quod mihi tunc robur, quàm gaudia multa fuere!

In fesso nunquam corpore quanta salus!

Non me terruerant hyemes, solesque potentes,

Et poteram pluuium vertice ferre Iouem.

Quos ego non colles, quos non indagine cinxi

Lucos, hortatus tesqua per alta canes!

Tunc celeres potui damas, tunc figere ceruos:

Vidi de flumijs humida lina trahi.

Et modò fortis equi luctantia colla recuruans

Confragra sectabar per iuga montis apros;

Interdùm molles pedibus plausisse choreas

Iuuerat, & digitis increpuisse lyram.

Cura fuit Martis simulacra ciere sub armis,

Et pugilum ludis implicuisse manus.

Gallica quid memorem quoties per flumina naui

Aduersa obnixo pectore stagna seco?

Me Tarrus, gelido lauit me Nicia fluctu:

Me Phæthontæo sustulit amne Padus.

Nec mihi solus amor corpus durare palestra,

Sed mentem egregijs artibus excolui.

Vidit Palladijs nos impallescere chartis

Inter laudatos nox vigilata libros.

Multaque Cecropijs trutinabar scripta magistris;

Non renuit mecum Gracia docta loqui.

M 2 Ten-

*Tentabam umbrōsi latebras penetrare Lycæi,
 Quasque aliū monstrant edidicisse vias.
 Sæpè animum docti ceperunt scripta Platonis,
 Cuius Mopsopio pagina melle fluit.
 Et modò scrutabar Samij dictata silentis;
 Nunc florem ex hortis legi, Epicure, tuis.
 Insomnisque graui fouit me Porticus umbra,
 Arcesilæus detinuitque labor.
 Latratus decuit Cynicos audire legentem,
 Nec me pacati terruit ira canis.
 Democrito arrisi, noui præcepta Cleanthis,
 Et Chrysippææ flamina mentis opus.
 Gaudebam meditans, ineant quot prælia sectæ
 Graiorum in quas est didita turba senum.
 Materiem hic componit aquis, hic aëre gignit;
 Alter Apollinei syderis igne creat.
 Ille Chao latuisse docet vaga semina rerum,
 Omniaque arcanis nectit amicitij.
 Æternum est alijs mundi versatile templum,
 Machinaque hæc nulla dissoluenda die.
 At natum ille refert, ausus restinguere solem,
 Et dare perpetuæ fata diurna faci.
 Sunt quoque rore leui, et nebulis qui sydera pascant,
 Et qui non uno se putet orbe tegi.*

Casi-

*Casibus hic sceptrum donat, Diuosque relegat,
 Exiit & mentes relligione Deum.
 Spernit Tanarias, incendia posthuma, poenas
 Impius hic; trepidans manibus ille litat.
 Nec desunt sensus qui damnent, omnia fassi
 Nesciri, tenebras seque latere suas.
 Omnia mirabar, sed tunc plus arte mouebar
 Socratica, & scriptis, Stoica turba, tuis.
 Quæ bona sint animi, certus quis limes honesti,
 Quas sibi diuitias vita beata petat,
 Et didici, sanctos formet quæ regula mores;
 Æstus quæ valeat vincere vis animi:
 Quæ tristes iras virtus, quæ frangat amores,
 Quæ desiderijs pectora anhela leuet;
 Pallentesque metus quæ fortibus induat armis
 Ignauæ prohibens terga dedisse fuga.
 Solum turpe malum sapiens putat, ille dolores
 Perfert, consilij propositique tenax;
 Hic pede proculcans lethalia fata superbo,
 Humanis maior creditur esse malis.
 Aere Perillæo clausus fera iussa Tyranni
 Sperneret, & nullos ederet ore sonos.
 Hæc olim noui, quæ nunc me flagitat usus:
 Vtar præceptis, quæ mea fata petunt.*

Ag.

Agmina moerentium circumstant saeva dolorum :
 Aggreditur fessi vincere corda timor .
 Quid faciam ? Vnde petam trepidi solatia luctus ?
 Quis bellaturo fortia tela dabit ?
 Ite procul questus , animi oblectamina vilis ,
 Ite procul : iam nos ingemuisse pudet .
 Non lacrymis durum nouit mansuescere fatum :
 Parcarum inflexo fila adamante rigent .
 Te supplex adeò , supplex tua munera posco ,
 O sola humanis mors medicina malis !
 Tu portus , placido qui naufraga corpora mundi
 Amplexu rursus non agitata foues ;
 Adsis , horribilesque ferox huc flecte volatus ,
 Hoc pete Tartarea falce cruenta caput .
 Quo moriture ruis ? quæ te dementia cepit !
 Parce miser verbis , ominibusque malis .
 Scilicet in prima florens carpere iuuenta ?
 Nec te spes famæ quantulacumque tenet ?
 O ubi mens studijs quondam gauisa Minervæ ,
 Et quæ scribendi gloria dulcis erat ?
 Non adeò usque mori miserum est : non segnior ibo ,
 Ibo animis contra ; mors miserata veni .
 Nec totus moriar , leih custodia nostri ,
 Te penes Italiæ , Ciampole , grande decus .

Car-

*Carminibus celebrata tuis mea fama legetur,
 Et ferar extinctus docta per ora virum.
 Auspice te mortis victor fata aspera rumpam:
 Te duce Auernali non cohibebor aqua.
 Quæ tibi cantanti non est permissa potestas?
 Nam tua Pindarico fulmine Musa tonat.
 Tusci scriptores tenerorum cedit amorum:
 Gaudet capta nouis Ausonis ora sonis.
 Aldobrandinam relegis si carmine villam,
 En tibi festa cohors plaudit Hamadryadum,
 Siue Palæstinas Piceno in littore sedes
 Concinis; Adriaci sternitur unda freti.
 Et te Cælicolûm cantantem exercitus audit,
 Quorû humeris templum dulce pependit onus.
 Proh pudor Italice, teneros quæ cantat amores,
 Carminis & grato fraudat honore Deum!
 Non tulit ingenti laudandus, Ciampolus, ausu:
 Illius est nostris Musa operata sacris.
 Gaude: namque nouis video tua tempora sertis
 Cingi, & Idumæa fronde nitere comas.
 Tempus erit, lato tua cum vestigia plausu
 Magnanimûm vaturn turba secuta colet.
 Tu modò perge alacer, semperque audentior ito,
 Nec tu cornuorum rostra inimica time.*

Nam.

*Nam super astra volans niueis veſtabere cymis,
 Quà inuidiæ telis gloria claudit iter.
 Nec minus heroi tangit te cura cothurni,
 Et potes Aonia dicere bella chely.
 Inclyta facta virum vocis ſi munere donas,
 Munere tu ſignis das potiore frui.
 Hoc tibi Pegafides, hoc conceſſere ſorores,
 Teque poteſtates edocuere ſuas.
 Namque ſerunt celſo Parnaſſi in vertice ſacra
 Bellorophontæus quà rigat arua liquor,
 Secluſum florere nemus, quo gratius ullum
 Non ſurgit Phœbo, Pieridumque choris.
 Hos Zephyri campos, Eteſia flamina, mulcent,
 Arboribusque frequens roſcida vernat humus.
 Pullulat ante omnes ſed formoſiſſima laurus,
 Quæ medio in luco conſpicienda viret.
 Vna nemus trunco ingenti quæ parturit umbra,
 Et latè folijs celat opaca diem.
 Huius odorato ſudantur balaſama ligno,
 Dulcis & ambroſiæ cortice manat odor.
 Indiſtum reſero: lacrymatas neſtæris vndas
 Excipit Aoniæ ſedula cura manus.
 Hos Muſæ ſeruant latices, queis perlita durat
 Gloria Tænario non violanda lacu.*

Ma-

Materno necquicquam astu servatus Achilles
Occidit, & Troiæ funera morte luit.
At bene Pieria per fusus nectaris unda
Martis equis rapidum trans Acheronta volat:
Copia felicit tibi, Ciampole, credita succi est:
Fac mea cælestis proluat ora liquor.
Ah socij fato miserere cadentis acerbo!
Fer non casurum nomen ad astra meum:
Tristitia sic facili curabis funera sumptu:
Non posco in cineres Persica dona meos.
Non mihi Orontea tumulos aspergite myrrha,
Bustaque sæcundæ mercibus Assyrie.
Si mea Castalia stillabunt ossa liquore;
Inuida post mortis fata, superstes ero.



R O M Æ,

Typis Angeli Bernabõ à Verme . MDCLVIII.

SVPERIORVM PERMISSV.

